

雍

熙

樂

府

雍熙樂府卷之五目錄

仙呂宮

點絳脣

國泰隆昌

國祚靈長

一介寒儒

寶殿朱扉

遊藝中原

懨懨瘦損八聲甘州

相國行祠

竚立閑堦

滿腹愁懷

露冷風寒

百媚千嬌

萬種煎熬

巧語花言

雨約雲情

花下迎逢

經史儒書

你子待錢蓋門楣

憑着我志氣剛強

薄賦輕徭

一帶青山

寶鼎祥烟

萬里長江

我則待創立劉朝

恰離了北海蒼梧

玉笈靈符

鶴馭相從

兩袖風清

歌舞攻習

生長在柳戶花門

風月佳期

春日遲遲

每日家品竹調絃

穀雨初晴

三月春光

酒興綢繆

春滿皇州

漏盡銅龍

風吹羊角

散誕逍遙

月令隨杓

金谷名園

高入洪濛

日暖風輕

生長在峻嶺高崖

太極初分

別却蓬壺

子為我家業凋殘

天下黎民仰聖德

油葫蘆

賞花時

擾擾羶車慘霧生

天寶年間事一空

秋水鄰鄰古岸蒼

水到湍頭燕尾分

花點蒼蒼綉不勻

情淚流香淡臉桃

香迳泥融燕語喧

香軟龍涎寶篆殘

臥枕着床添病疾

飄日和風三月天

只為多情忒俊雅

春夜沉沉庭院幽

八聲甘州

江天暮雪

春閨夢好

鶯巷伴侶

天涯羈旅

平生放蕩

盃中酒冷

芳菲過眼

鶯穿細柳開金翅
翠裙腰

老來多病逢秋驄

驄 牂

是去君王不奈何
勝 葫蘆

華亭江上

六么序

冰輪光展

六么序

雍熙樂府卷之五

仙呂宮

點絳脣

祝聖壽

國泰隆昌。萬民仰望。山河壯。

聖壽無疆。既賞在金鑾上。**混江龍**喜孜孜高擎美釀。列

金釵十二出紅粧。朱圓翠遶。魚鳳烹。翠巍巍花團

如錦繡。綠依依翠竹遶回廊。珠簾捲。紫霧飄香。祥

雲瑞靄。蕩蕩祥光。端的是紫府瑤池上。輕敲象板。齊

奏笙簧。**柳塘鴈**一派仙音滿殿響。齊祝讚

隆壽長。仙音嘹唳。樂歡暢。鸞翩鳳舞。堪遊賞。金童玉女

雙歌唱。直喫的酒暈紅。新面粧。五音六律聲嘹亮。清
美韻悠揚。**天下樂**。鳳閣鑾輿錦繡粧。別是箇風光。咲
吟吟滿玉堂。有南極衆星慶。

聖主七真共五老朝。

帝王捧玉觴。祝。

當今福壽長。**寄金鑾殿**。我則見金鑾殿。列兩行。文臣武將。

公卿相。讚吾。

皇穩坐蟠龍上。

大明一統山河壯。壽綿綿永享錦封疆。奎星耿耿明天。

象。**萬國**盡來降。四海無征蕩。大賢門用選俊良。

普天下黎民朝

聖王。永延年福壽雙雙。讚吾

皇明主榮昌。舉案齊眉進玉觴。擺列着稀奇異相。高擎
着佳釀。則願的

聖明天子永無疆

點絳脣

國祚靈長。本朝興旺。俺驅兵將。竭力勤王。久已後圖寫
在雲臺上。**混江龍**自從那秦嬴天喪。東西兩漢祖高
光。保障着山河錦繡。城郭金湯。想當日四百載華夷
歸正統。到後來兩三番跋扈立朝綱。繞除宦官近習。

早寵外戚專權。恰誅了強梁董卓。又遇着奸詐曹瞞。只為董卓種輯泄機謀。到惹的衣帶中密詔添愁況。逗引起群雄逐鹿。空教我獨自亡羊。**油頭廬**有德服人。世必昌。怎得亡俺哥。身材七尺貌堂堂。氣昂昂。命世英雄像。性謙謙。德重寬洪量。俺哥哥仁義又純。智慮又長。他生的手垂過膝。奇形狀。少不得位至漢中王。**天下樂**子這暗地裏謀人不算強。便將他殺傷。有甚麼好智量。我怎肯為刼賊做刺客的歹勾當。我子待播英風萬古傳。立芳名百世揚。憑着羽取群雄如運掌。**那叱令**想曹公養士呵把賊擒寇攘。想曹公立

節呵正三綱五常。想曹公盡忠呵肯勤王定邦。我為
甚露丹衷將美女辭。却厚惠把黃金讓。這的是於曹
公寵愛增光。**鵲踏枝**你休要苦相央。我和你好商量。
你教我痛飲黃封醉倚紅粧。你子待掉三寸舌尖伎
倆。絮叨叨數黑論黃。**寄生草**列羅綺排佳宴。擁笙歌
到畫堂。新醅綠蟻玻璃漾。滿斟玉液葡萄釀。高擎春
色珍珠漾。我是箇飄零孤館客中人。一任他欄珊竹
葉樽前唱。**醉中天**囑付酒盡休重盪。醉後早擡羊。休
子顧指點銀瓶索酒嘗。多謝恁曹丞相。何必黃金滿
箱。子俺客中情況。休想咱匹配鸞凰。**金盞兒**細裁量。

自叅詳。三回五次難敵當。浮名薄利受何妨。我子是
守誠心思故主。怕甚麼受虛位在朝堂。好着我嘆孤
忠。隨日落。悲離恨與天長。**醉扶歸**。自結義平原相。誰
承望有參商。子俺生死之交不可忘。盟誓難虛誑。空
教我望斷愁雲故鄉。都撮在雙眉上。**金盞兒**。不是我
自誇強。敢承當。直等我立功名以報曹丞相。轟轟烈
烈尚鷹揚。試看我金鎗明曉日。寶劍掣秋霜。一任他
延津屯沮授。怕甚麼官渡有顏良。**賺尾**。憑着我扶持
社稷功。包括乾坤量。一片心天青日朗。我不比跋扈
奸雄黑肚腸。我子待立功勲盡節朝綱。守忠良青簡

傳芳雄糾糾。威風膽氣剛。我如今暫留許昌。心情悵
快。我子怕因塵空自老干將。

點絳脣

王粲登樓

一介寒儒。遭逢

明主。居言路。得罪當誅。擢任當邊圉。**潯江龍**。湏是我文
而不武。看起來。文與武。原自不差殊。學的是文宗孔
孟。用的是武尚孫吳。便把那十八般武藝。觀貼起我
這一萬卷經書。憑據着龍韜虎畧。幹運着地軸天樞。
機傳風后。法闡穰苴。李衛公六花之陣。諸葛亮八陣
之圖。地上的山川險易。天上的時日孤虛。握機制勝。

出有趨無。布列時蛇蟠虎翼。呼吸時鬼運神輸。犄角
則四竒皆出。弛張則二廣爭驅。遊車以按其後。疑兵
以固其餘。閃閃的戈矛森立。晃晃的干盾紛趨。敵王
之懾。執敵之俘。管取見三邊不動。四海無虞。湏知道
播皇仁不伐。是天聲體天心。不殺為神武。常蓄着
兵威士氣。全仗着

聖美神謨

調韻

這正是袖有青蛇膽氣粗。牢拴着威

與福。你看他紅光上射斗牛墟。他向那江湖河海裏
攪得魚鼈蛟龍哭。他向那山林岩洞內。謊得那虎豹
獅猊懼。三軍裏誰敢舉眼着。萬衆中誰敢開口語。一

箇箇都鞠躬屏息遵軀束。伏者他把遠塵咸掃蕩盡驅除。

點絳脣

寶殿朱扉。鳳墀丹陛。做着箇中官職。洒掃宮闈。能奉侍先承意。**混江龍**也是俺一生近貴。見了此香烟常傍袞龍衣。穿一套飛仙海馬。繫一條正透山犀。懸一把鎖鐵打刀兒。鵲木戴一箇鏤金帽頂鵝鶻石。雖不曾入鵷班陪列任府僚中。我常是近龍床祇候向宮庭內。穿了此輕紗異錦。喫了此美酒堂食。**柳頭盧**十二樓臺錦繡圍。盡都是金間碧。看了那曉雲紅映。

着綠玻璃。着了鴛鴦瓦。上金鋪翠。鸞凰榻畔。耕塗壁。
雕梁是碾玉粧。銀屏是螺甸漆。水晶簾捲香風細。人
世裏。小瑤池。**天下樂**。麗日簾櫳。燕子飛。春暉和氣美。
看園林曉來膏雨催。綠茸茸。柳帶烟。紅馥馥。花散綺。
端的是有丹青難下筆。**那吒令**。我這裏掃龍鱗砌石。
遶緋桃徑裏。展龍紋地席。向荼蘼架底。試龍舟戲水。
在垂楊渡西。拂綽了白象床。整頓下青鸞珮。淡氤氲
香裊金猊。**鵲踏枝**。曉霞暉。暖雲垂。羯鼓聲高。仙樂音
齊。我這裏聽絃管悠悠韻美。這的是樂繁華慶賞樽
席。**寄生草**。看十二金釵列。見三千粉黛圍。錦鸞哥語

罷嬌聲細。紫鴛鴦睡足春光媚。綵蝴蝶舞困名香膩。
沉檀火冷。篆烟斜。流蘇帳暖。東風醉。**金盞兒**你那裡
品龍笛。將鳳簫吹。五凡工尺上。休訛昧。偷聲減字取
的精微。笛呵壽寧白玉管。簫呵緱嶺綵雲飛。笛呵畫
船中。龍裂石。簫呵金殿上。鳳來儀。**六**彈的拍法兒。要
新奇。絃索上。索叅知。恰便似玉盤中。亂撒珍珠碎。子
要恁輕彈慢撚。改的絃宜。撚聲高過調花字。緊相隨。
休誇曹善才。勝似漢明妃。**七**唱的仙呂。要起音疾。賺
煞要尾聲遲。你將那務頭兒。撲得多標致。依腔貼調
更識高低。停聲呵能待拍。放梢呵會收拾。常子是懷

裹着十大曲。袖褪着樂章集。舞的細看你瘦腰圍。
施展些巧心機。寬裳一曲飄仙袂。翠盤中旋轉的紫
雲回。着了你促金蓮羅襪窄。翻翠袖玉纖垂。準備下
纏頭紅錦段。安排着簌地絳綃衣。囑付你女嬌痴。
將樂藝用功習。子這內中承應比排場異。入梨園改
換了樂官籍。見了些王孫每能騎高駕馬。士女每會
着四時衣。抵多少高樓一席酒。窮漢半年食。賺尾聲
恁休要失拍了舊歌詞。馬觀了新雜劇。花串的關兒
整齊。拴一箇焰爨休教冷淡。只玳筵前承應合宜。向
宮門春色光輝。準備着象板銀箏間玉笛。正值着繁

華月日。似這般太平年歲。任揭天般簫鼓樂雍熙。

點絳脣

遊藝中原。脚根無線。如蓬轉。望眼連天。日近長安遠。
混江龍 向詩書經傳。蠹魚似不出費鑽研。將棘圍守。
暖把鐵硯磨穿。投至得雲路鵬程九萬里。先受了雪。
窓螢火二十年。才高難入俗人機。時年不遂男兒願。
空雕虫篆刻。綴斷簡殘編。**油葫蘆** 九曲風濤何處顯。
則除是此地偏。這河帶齊梁分秦晉。隘幽燕。雪浪拍。
長空。天際秋雲捲。竹索纜浮橋。水上蒼龍堰。東西瀆。
九州南北串百川。歸舟緊不緊如何見。恰便似弩箭。

乍離弦。**天下樂**只疑是銀河落九天。淵泉雲外懸。入
東洋不離此逕穿。滋洛陽十種花。潤梁園萬頃田。也
曾泛浮槎。到日月邊。**節節喜**隨喜了上方佛殿。早來
到下方僧院。行過廚房。近西法堂。北鐘樓前面。遊了
洞房。登了寶塔。把迴廊遶遍。數了羅漢。叅了菩薩。拜
了聖賢。呀。正撞着五百年前風流業冤。**元和令**顛不
刺的見了萬千。似這般可喜娘臉兒罕曾見。引的人
眼花撩亂。口難言。魂靈兒飛在半天。他那裡儘人調
戲。聾着香肩。則將花笑撚。**上馬橋**這的是楚率宮。休
猜做離恨天。呀。誰想寺裡遇神仙。我見他宜嗔宜喜

春風面。偏宜貼翠花鈿。**勝頭盧**則見他宮樣眉兒新。
月僽。侵入鬢雲邊。未語人前。先腴腴。櫻桃紅綻。玉粳
白露。半晌恰方言。**公**恰便似。壓壓鶯聲。花外轉。行一
步兒。可人憐。解舞腰肢。嬌又軟。千般嫵娜。萬般旖旎。
似垂柳。晚風前。**后庭花**若不是。襯殘紅。芳徑軟。怎顯
得步香塵底樣兒淺。且休題。眼角留情處。則這腳踪
兒。將心事。傳慢俄延。按至到龍門前面。剛那了一步
遠。剗剗的打箇照面。風魔了張解元。似神仙。歸洞天。
空餘下。楊柳烟。只聞得鳥雀喧。**柳葉兒**呀。門掩着梨
花深院。粉牆兒高似青天。恨天。怨天。天不與人行方

便好着我難消遣。端的是怎留連。小姐呵。則被你引
了人意馬心猿。**寄生草**。蘭麝香仍在。環珮聲漸遠。東
風搖曳垂楊線。遊絲牽惹挑花片。珠簾掩映芙蓉面。
你道是河中開府相公家。我道是海南水月觀音現。
尾聲。餓眼望將穿。饒口涎空嚙。空着我透骨髓相思
病染。怎當他臨去秋波那一轉。便是鐵石人。意惹情
牽。近庭軒。花柳爭妍。日午當庭塔影圓。春光在眼前。
爭奈玉人不見。將一座梵王宮。疑是武陵源。

八聲甘州

慙慙瘦損。早是傷神。猶值殘春。羅衣寬褪。能消幾箇

黃昏風裊篆烟不捲簾。雨打梨花深閉門。無語凭闌
干。目斷行雲。**濕江龍**落花成陣。風飄萬點正愁人。池
塘夢曉。蘭檻辭春。蝶粉輕沾飛絮雪。燕泥香惹落花
塵。繫春心情短。柳絲長。隔花陰。人遠天涯近。香消了
六朝金粉。清減了三楚精神。**湘頭盧**翠被生寒。壓繡
裯。休將蘭麝薰。便將那麝蘭薰盡。則索自溫存。昨宵
錦囊佳製。明句引。今日玉堂人物難親近。這些時睡
又不安。坐又不寧。我欲待登臨。不快。閑行又悶。每日
家情思昏昏。**天下樂**我則索搭伏定。蛟綃枕頭兒
上眠。但出這閨門。影兒般不離了身。小梅香扶侍的

勤。老夫人拘繫的緊。恐怕俺女孩兒折了氣分。**那**
今往常時見箇外人。氲的又早嗔。但見箇客人。厭的
我倒褪。後見了那人呵。堯的。我便親。想着他昨夜詩。
依前韻。酬和得清新。**鵲踏枝**吟得句兒勻。念得字兒
真。詠月新詩。索強似織錦迴文。誰肯針兒將線引。向
東隣通殷勤。**寄生草**想着俺文章士。旖旎人。他生的
臉兒清秀。身子兒俊。性兒溫克。情兒順。不由人口兒
裏作念心兒裏印。學得來一天星斗煥文章。張生呵。
不枉了十年窓下無人問。**六么序**聽說罷魂離了殼。
見放着禍滅身。我將袖梢兒搵不住啼痕。好教我去。

處無因。進退無門。可着俺心搗兒裏人。急偎親。孤孀
子母無投奔。赤緊的先亡了有福之人。耳邊廟金鼓
連天震。征雲冉冉。上雨紛紛。**公篇**那廝風聞。胡云。他
道我眉黛清顰。蓮臉生春。恰便似傾國傾城的太真。
呀。兀的不送了三。百僧人。半萬賊兵。片霎兒敢剪草
除根。那廝每於家為國無忠信。恣情的虜掠人民。便
做道天宮般蓋造焚燒盡。則沒那諸葛孔明。便待要
博望燒屯。**后庭花**第一來免摧殘老太君。第二來免
堂殿作灰塵。第三來諸僧無事得安存。第四來先人
靈柩穩。第五來歡郎年小未成人。你須是崔家後代

孫鶯鶯為惜已身。不幸上從亂軍。諸僧衆汚血痕。將
伽藍火內焚。將先靈為細塵。斷絕了愛弟親。割捨了
慈母恩。**柳葉兒** 你將俺一家兒不留一箇齧齧。待後
軍怕辱沒了家門。則不如白練套兒尋箇自盡。將我
屍觀獻與賊人。這的是遠害全身。**青哥兒** 母親都做
了鶯鶯鶯鶯生念。對傍人一言一言難盡。母親休愛
惜鶯鶯一身。不揀何人。建立功勳。殺退賊兵。掃蕩妖
氛。到陪家門。情願與英雄結婚姻。成秦晉。**尾聲** 諸僧
衆各逃生。衆家眷誰做問。這生不相識。橫枝兒着緊。
非是書生多議論。也隄防玉石俱焚。雖然是不關親。

可憐他命在遠巡。濟不濟權將秀才來儘。果然有出
師表文。嚇蠻書信。張生也則願你筆尖兒橫掃了五
千人。

點絳脣

相國行祠。寄居蕭寺。因喪事。幼女孤兒。將欲從軍死。
浮江龍謝張生伸志。一封書到。便興師。顯得文章有
用。足見天地無私。若不是剪草除根。半萬賊。險些兒
滅門絕戶了。俺一家兒。鶯鶯君瑞。許配雄雌。夫人失
信。推托別詞。將婚姻打滅。以兄妹為之。到如今棄却
成親事。一箇價糊突了胸中錦繡。一箇價淚搵濕了

臉上胭脂**拍頭**憔悴潘郎髮有絲。杜常娘不似舊
時。一箇帶圍寬。清減瘦腰肢。一箇睡昏昏。不待觀經
史。一箇意懸懸。懶去拈針指。一箇絲桐上。調弄出離
恨譜。一箇花箋上。刪抹出斷腸詞。一箇筆下寫幽情。
一箇絃上傳心事。兩下裡都一樣。害相思。**天下樂**方
信道才子佳人信有之。紅娘看時有此乖性兒。則怕
那有情人不遂心也似此。他害的有此魔媚。我遭着
沒三思。兩下裏安排着憔悴死。**柳里**我將這紙
窓兒濕破。悄聲兒窺視。多管是和衣兒睡起。羅衫上
前襟摺。孤眠况味。淒涼情緒。無人扶持。覷了他淚。

滯氣色。聽了他微弱聲息。看了他黃瘦臉兒。張生呵。
你若不悶死。多應是害死。**元和令** 金釵敲門扇兒。則
我是箇散相思的五瘟使。趁着這風清月朗夜深時。
使紅娘來探爾。俺小姐至今胭粉未曾施。念到有一
千番張殿試。**上馬嬌** 他若是見了這詩。覷了這詞。顛
倒費神思。這妮子怎敢胡行事。他敢描描的扯做紙
條兒。**勝葫蘆** 哎。你箇饒窮酸。俵沒些意兒。賣弄你有
家私。我莫不圖謀你東西來到此。先生的財物。與紅
娘做賞賜。非是我愛你的金資。**六篇** 你看人似苑李
春風。牆外枝。俺小姐不比賣俏倚門兒。我雖是婆娘

家有些志氣。你則道可憐見小生隻身獨自。我顛倒
有箇尋思。**后庭花**我則道拂花箋打稿兒。却原來深
霜毫不勾思。先寫下幾句寒溫叙。後題着五言八句
詩。不移時把花箋錦字。疊成箇同心方勝兒。忒聰明
忒敬思。忒風流忒浪子。雖然是箇假意見。小可的難
到此。**青哥兒**呀。顛倒寫鴛鴦鴛鴦兩字。方信道在心
在心窺視。省了他喜怒其間意見兒。放心波學士。我顛
為之。並不推辭。自有言詞。則說道昨夜彈琴那人兒
教傳示。**寄生草**你將這偷香手。準備着折桂枝。休教
那淫詞兒展污了龍蛇字。藕絲兒縛住了鵲鵬翅。黃

鶯兒奪了鴛鴦志。休爲那翠幃錦帳一佳人。悞了你
玉堂金馬三學士。**歇尾**沈約病多般。宋玉愁無二。清
減相思樣子。則你那眉眼傳情未了時。我中心日夜
歲之怎敢。因有美玉於斯。我須着有發落。端着這
半張紙。憑着我舌尖上說詞。更和這簡帖兒才思。我
管教那人兒來探你。一遭兒。

點絳脣

佇立閑堦。夜深香霭橫金界。瀟灑書齋。悶殺讀書客。
混江龍彩雲何在。月明如水。浸樓臺。僧歸禪室。雅噪
庭槐。風弄竹聲。則道是金珮響。月移花影。疑是玉人

來。意懸懸業眼。急攘攘情懷。身心一片。無處安排。我則索呆荅孩倚定門兒待。越越的青鸞信杳。黃犬音
乖**頑****廬**情思昏昏眼倦開。單枕捱。夢魂兒飛入楚
陽臺。早知道無明無夜因他害。想當初不如不遇傾
城色。人有過必自責。勿憚改。我則待賢賢易色將心
戒。怎禁他覷的上心來。**天下樂**我則索倚定門兒手
托着腮。好着我難猜。來也不來。夫人料應難離側。
望的人眼欲穿。想的人心越窄。多管是冤家不自在。
那吒令他若是肯來。早晨離了貴宅。他若是到來。便
春生敝齋。他若是不來呵。似石沉大海。數着他脚步

兒行。倚定窗櫺兒待。寄與多才。**鵲踏枝**。恁的般惡搶
白。並不曾記在心懷。撥得箇意轉心回。索強如夜去
明來。空調眼色。今經半載。這其間委實難捱。**寄生草**
安排着害。準備着撻。異鄉身強把茶湯捱。則為那可
憎才熬的心腸耐。辦着片志誠心留的形骸在。試看
那司天臺打笑了半年愁。端的是太平車約有十餘
載。**村田歌**。猛見了可憎模樣。早覺可九分不快。先
前見責。誰承望今宵歡愛。着小姐這般用心。不才張
珙何當跪拜。小生無宋玉般容。潘安般貌。子建般才。
你則是可憐見小生為人在客。**元和令**。繡鞋兒剗半

折柳腰兒恰一搦。則見他羞答答不肯把頭擡。則將
這驚枕捱。雲鬢髣髴墜金釵。偏宜髣髴兒歪。**上馬橋**
則將這紐扣兒鬆。樓帶兒解。蘭麝散幽齋。不良會把
人禁害。哈。怎不回過臉兒來。**勝調廬**我這裏軟玉溫
香抱滿懷。恰便似阮肇到天台。春至也。人間花弄色。
抑腰款擺。花心輕折。露滴牡丹開。**公篇**但蘸着些兒
麻上來。魚水得和諧。嫩蕊嬌香蝶恣採。半推半就。又
驚又愛。檀口搵香腮。**后庭花**春羅元瑩白。早見紅香
點嫩色。燈下偷睛覷。宵前着肉裊。暢奇哉。渾身通泰。
不知春從何處來。無能張秀才。孤身西洛客。自從逢

掩色思量不下懷。憂愁因間隔。相思無副對。謝芳卿
不見責。**惜**。我將你心肝兒般看待。展污了小姐
清白。忘食廢寢。舒心害。若不是真心耐。志誠捱。怎能
勾這相思苦盡甘來。**清歌兒**。成就了今宵今宵歡愛。
魂飛在九霄九霄雲外。按至得見多情小妳妳。憔悴
形骸。瘦似麻。今夜和諧。猶自疑猜。露滴香埃。風靜
閑階。月射書齋。雲鎖陽臺。審問明白。只疑是昨夜夢
中來。愁無奈。**寄生**。多半韻。忒掩色。乍時相見教人
害。霎時不見教人恠。些兒得見教人愛。今宵同會碧
紗幮。何時重解香羅帶。**歇尾**。春意透酥眉。春色橫眉

黛。賤却人間玉帛。杏臉飛腮。乘著月色。嬌滴滴越顯
紅白。下香堦。懶步蒼苔。動人處。弓鞋鳳頭窄。嘆鰥生
不才。謝多嬌錯愛。你是必破工夫。明夜早此來。

點絳脣

滿腹愁懷。緊攢眉黛。心無奈。靜悄幽哉。今春比前春
殺。**混江龍**。四稍沉脉。忘食廢寢。實難捱。又不是風寒
暑濕。月值年灾。都只為朝思暮想。信音絕。孤眠獨枕。
人何在。慵拈針指。懶傍粧臺。腕鬆金釧。髻墜金釵。我
則待晚青鸞。夾黃犬。把書帶。上覆俺多情俊俏。可意
喬才。**柳梢眉**。喚小玉忙將卓兒搗。淚滿腮。展花箋。糊

突了不明白。舉霜毫頓忘了無心耐。搽松烟胡抹了
多思愛。寫不盡離恨愁。訴不徹相思債。一思量一陣
痛難捱。**天下樂**這幾日堯上心頭不下懷。疑猜室教
人沒刮劃。怎生般一去了不回來。藍橋下波浪翻。陽
臺上雲霧埋。因此上魚水不和諧。**那吒令**這水時相
思病越多。怎斷送愁山悶海。這些時傷春病景多。越
教我心狹意窄。這些時煩惱慌。懣煎的害。不覺的瘦
損了形骸。**鵲踏枝**越尋思越傷懷。越躊躇越衰哉。似
這般坐想行思。怎能夠苦盡甘來。得相逢一時半刻。
把離愁一筆勾開。**寄生草**呀。羞把菱花對。愁將鴛枕

挨。則為他風流惹下風流債。聰明反被聰明害。這的
是真誠不得真誠在。閃的我孤另另單枕翠幃中。素
的我冷冷清清獨步蘭堂外。**公**想殺人潘安貌。巧殺人
子建才。則為你張君瑞逗留的鶯鶯害。則為你雙通
叔僕倖的蕪卿恠。則為你漢相如挑剔的文君愛。他
每都假紅倚翠做夫妻。不知俺畫眉傳粉人何在。**后**
庭花我一會自沉吟心內猜。多管是效王魁短命才。
既不呵怎生般無仁義。許多時不見來。信音乖。閃的
無些聊賴。感春山皺不開。怎由人不感懷。燒銀蠟照
絳臺。映紗窓花影篩。串金鴨香炭埋。羅幃中獨自側

青歌兒呀。清減了當初嬌態。寬褪了往日羅帶。恰便似倩女離魂。呆答孩。越着這人靜天堦。月照庭臺。跪在塵埃。禱告明白。撲簌簌雨淚盈腮。無語深深拜。**尾**相思恨轉添。煩惱情難戒。好教我羞答答無言落色。捱一刻如半載。獨立蒼苔。冰透弓鞋。暗地梅香行到來。角門兒慢慢開。只恁大驚小怪。將一片志誠心。驚做了鬼冤胎。

點絳脣

露冷風寒。夜長更慢。偷占美。暗卜金錢。料不定何時見。**混江龍**幾番埋怨。老天撇下鬼姻緣。繞成匹配。又

早孤單。伏枕怕捱更漏永。倚闌愁聽字聲酸。佳音香
香。鬼病恹恹。愁懷擾擾。心事繁繁。彩雲折散並頭人。
翠屏阻隔芙蓉面。不由人悽悽慘慘。想殺俺悄悄肝
肝。**油葫蘆**我這裏萬轉千回懶去眠。怕待言。夢魂兒
不離了翠幃邊。雖然霎時歡笑相留戀。到勝似百年
恩愛成姻眷。俺也曾醉秦樓歌謝館。似不的知疼知
熱知酸淡。好教我愁鎖兩眉尖。**天下樂**我這裏強打
着精神訴一篇。我這裏告天可憐。瘦的我實難過遣。
盼的我眼欲穿。害的我氣越喘。多管是謊人精。賺
俺。**那吒令**若題起你来呵。千酸萬酸。若恨起你来呵。

千端萬端。若得見你呵。千難萬難。都只為一點情到。
惹做三生怨。怎不熬煎。**鵲踏枝**我這裏意懸懸。他那
裏淚漣漣。想的人肉似刀割。心似鉅剜。也是我緣薄
分淺。不能勾永久團圓。**寄生草**呀。我為你出了些扒
揭汗。嘆了些饒口涎。受了些冷言熱語。人相訛。聽了
些銅壺玉漏聲。悲愴。捱了些紅光紫焰燈。相伴。只為
又乖又俏。又聰明。想的人不茶不飯。長吁嘆。**五記**的
你腮邊話。想的人身似癱。倚門盼殺南來鴈。低頭覷
殺鴛鴦伴。他是箇半真半假。哄人精。我是箇不活不
死風魔漢。**后庭花**俺也曾醉秦樓。歌謝館。俺也曾赴

瑤池拍玉簡。人都道。姑娘們心腸狠。豈道玉天仙情
意專。我將他好眼兒看。他將我世不曾輕慢。我將他
緊緊粘。他將我慢慢纏。我恩情為他堅。他恩情為我
添。我見他困騰騰。花了眼。**青歌兒**呀。也是我前生前
生少欠。今生今生業冤。美滿恩情兩下眠。錦帳摧殘。
歌舞喧天。笑語盤桓。詩酒團圓。你就是扮傀儡般人
兒在眼前。也只是無心戀。**煞尾**挑銀燈。拂錦箋。執玉
管。磨端硯。寫下了。俏姻緣。相思病染。囑付俺俊郎君
慢參。俺也。眊嫦娥。恨怨天關。做做君瑞鶯鶯。那一番。
叙情枕邊。交股床畔。都只為狠心腸。折散並頭蓮。

點絳脣

思憶

百媚千嬌。越者越妙。天生俏臉付春桃。半扎金蓮小。

混江龍

花容月貌。春山淡淡筆難描。其實丰韻端的

窈窕。他生的恰似櫻桃樊素口。堪如楊柳小蠻腰。一

見了似風顛暗想。如痴俊偷瞧。魂飛魄散。意攘心勞。

俺將他話兒嘲。粉臉微含笑。是必休牽絲。幸短重玉

緣薄。

洞簫聲

我則見偏宜斜簪金鳳裊。善助嬌。兩攢

花鈿貼眉梢。穿一套羅衣喜稱羞。花貌好似那蕊宮

仙子離蓬島。阮肇桃源偶遇着。休錯了。自今日務將

韓壽香來盜。安排下妙計有千條。**天下樂**。竚立在西

牆偷眼瞧。瞧一會多嬌。朝也不朝。料應他有情難以
表。始初時羞愧多。到後來慚惶少。故意把金蓮賣弄
着。**那**時令恰纔待意交。遮不住話朝。恰纔待戲交。向
前來扯着。恰纔待體交。被人驚散了。急回頭囑付他。
不見了神仙貌。霧鎖花梢。**鵲**踏枝相思病怎生熬。恨
不的痛哭號咷。一天愁寄付心頭。滿懷恨見在眉梢。
甫能勾見了。不能勾轉巧。斷琴絃何日續。鸞膠。**寄**
草你那裏空哀怨。俺這裏甘氣惱。戰兢兢怎把高牆
跳。冷清清獨自踏青道。急煎煎兩箇空焦躁。何時得
解別離愁。甚日能遂團圓樂。**后庭花**怕黃昏人靜悄。

害相思何日好。淚添的藍水千千丈。恨壓的巫峯十
二倒。想起那妖嬈。在花陰同歡樂。剛纔得情意交。將
瑤琴恰待調。忽然間絃斷了。似神仙歸海島。只聞的
蘭麝飄。只聽的金珮敲。**柳葉兒**呀。一箇在孤衾中冷
落。一箇在單枕上蕭條。逃不過傷懷抱。休懊惱。不須
焦。你自將角門兒今夜莫拴牢。

點絳脣

思憶

萬種煎熬。艷容消耗。十分俏。病添膏。再不整送舊
迎新貌。**柳葉兒**想着俺青春年少。也曾在秦樓謝館
逞妖嬈。拚了此家資錢鈔。攢了箇銅斗兒窩巢。俺也

曾淡抹濃粧。欺洛浦。風流體態。壓翹翹。到如今。揷了
意。歹老鴰兒。情薄。也是我前生少欠。今世裏合着。只
落的心內焦。悶把幃屏靠。漸漸的身柔聲細。看看的
粉悴胭消。**潤韻廬**從今後。淡了春山。懶畫描。枉費勞。
再不去傍粧臺。施粉點櫻桃。再不去蕩湘裙。微露金
蓮小。再不去按宮商。款把箏簫操。金縷詞。舞六么。都
棄了。幾番家。辦誠心。要把神靈告。也是俺命裏合該。
大限難逃。**天下樂**我這裏強打着精神。自索熬。幾陣
兒。號吽。好教我一時痴。一時好。遇不着盧醫。共扁鵲。
不由人心內荒。空服藥。全不効。縱有杏林橋。井難調。

那比令。他見我不好。把釵環收了。他見我害倒。好鋪

陳捲了。他見我重了。暗暗的計較。便將咱擡出房。停

在屋簷道。不移時。魄散魂消。**鵲**踏枝。也是俺命中遭。

犯了天條。魂靈兒蕩蕩悠悠。望鄉臺遠遠迢迢。愛河

橋近了。枉死城鬼蹯。森羅殿高接青霄。**寄生草**呀。告

上聖。垂慈念。可憐見。饒這遭。再不敢誑搽胭粉粧容。

貌。再不敢廢穿羅錦。隨時好。再不敢加三黃桿兒。將

人罩。再不敢花言巧語。哄痴俠。再不敢張羅設網。將

人套。**么**呀。他把我下豐都。細問拷。誑搽胭粉鐵床靠。

廢穿羅錦。油鐺爆。加三黃桿兒。烙鐵烙。哄痴俠。剛刀

割舌根。將人套打入飛禽道。公呀。鬼魂兒睜睛看。望
家中靜悄悄。誰肯把我名兒叫。甚人與我追齋醮。何
人與我披麻孝。黃昏後肯把紙錢燒。幽冥中受苦無
冤報。公擡在我荒郊外。看人情發送了。到家依舊都
歡樂。請先生鎮壓并洒掃。另尋箇頂着我名兒叫。罷
罷罷。這的是風塵中妓女落來的。再為人休入娼門。
殺。我勸你風塵中女多嬌。省可裏粧容貌。早回
心立志到好。免久後老來無歸落。就是當站馬有一
時。閑鞍控嚼。不似恁花門中徹夜連宵。你記的月過
十五光明少。那其間身軀漸老。到陪錢誰人肯要。下

塲頭不值半根蒿

點絳脣

常言俗語

巧語花言。兩頭白麪。胡廝纏。送暖偷寒。說長并道短。
混江龍 你識我見。是非休聽小人言。隨風倒舵。順水
推舟。利不苟貪。終禍少。事能常忍。得身安。要暖腳頭
妻。要飽家常飯。順時說好話。幹直惹人嫌。**洞胡蘆** 宰
相肚裏行下船。無回轉。烟波名利大家難。爐中有火
休添炭。甜言美語三冬暖。君子有始終。松柏耐歲寒。
千萼萬萼。天一萼。俺則道安樂最值錢。**天下樂** 一日
清閑一日仙。心寬屋也寬。知命者莫怨天。窮了說已

前。老了說少年。花有重開。月有重圓。**那吃令**打人休
打臉。罵人休揭短。莫遊手好閑。少喫酒賭錢。愚不諫
賢。你乘除加減。一姬死一姬鳴。誰打羅誰喫麵。只落
的赤手空拳。**鵲兒**。豈也是一般鹹醋。也是一般酸。
見景生情。隨機而變。呆裏撒慳。涎皮賴臉。常則是貓
鼠同眠。**寄生草**。飽暖生閑事。飢寒守自然。張弓專等
南來鴈。馬行崖畔收韁晚。出頭椽兒先打爛。女兒不
穿嫁時衣。男兒不喫分時飯。

點絳脣

雨約雲情。酒愁花病。成薄倖。象板銀箏。風月所耽名。

姓**混江龍**。怎能勾了身達命。只除是潑風塵改換做

好前程。我子待者承休貨。怎的肯再嫁撇丁。直着這
花柳陣列一篇賢婦傳。翠紅鄉傳百世義娼名。着了
俺腌臢活計。怎不教憔悴身形。常子是憐新棄舊。假
誓虛盟。指山賣磨。見景生情。今日在席前歌舞。明日
向花下逢迎。靠前呵官員見責。靠後時子弟相輕。做
娘的時行統鈿。做女的出落胡伶。子着俺業心腸。那
一處是着疼。瘦身軀。幾下裡相兼併。那裡也三從四
德。九烈十貞。**油葫蘆**。子你箇鑽懶幫閑。歹後生。便噤
聲。我不是愛錢。已鈿吸人精。把我似蘇卿。接了馮魁。

定月仙逼迫向漁船上甯。你道是鍊塊般茶葉兒沉。
雅翎般鈔貫兒青。便將那雪花銀直堆到北斗杓兒
柄。休想我湊半句後婚名。**天下樂**休想又鸞鳳雙飛
載玉笙。雜情休便將財物逞。子俺這潑岐路恩情似
畫餅。黃桑棍腦上敲。鐵幡竿背後稱。子怕你着昏時
不自醒。**那兒令**假相期志誠。恰便似指雲中鴈做羹。
假燃香誓盟。恰便似割肉餞鷹。假慈悲孝敬。恰
便似捉竈頭蠅放生。剔天般巧所為。弄井般巧行徑。
怎當他一家家掘塹剗坑。**鵲踏枝**撞入這錦圍城。煨
不熟紙湯瓶。死陪伴身軀活打劫。鬼靈有一日茶錢

盡把房門倒頂。那其間紅粉無情。**寄生草**罵你箇腌

材料。潑醜生子。你將販茶船變做蒸人甑。買花錢打

做稱人秤。入馬銀改做追魂錠。休想這金蓮艷質便

輸心。抵多少棋逢敵手難藏倖。**后庭花**鬼胡由芳柳

青。將人來看的輕。新煩惱添十倍。舊精神減二停。本

不是覓錢精。娘呵。浪包婁厮候倖。子你那楚陽臺不

志誠。章華街路不平。曲江池忒世情。翫江樓難辨證

青哥兒送的些客商每。茶鹽乾淨。剗地道他是柳星

花聖。不是我喫豆粥却嫌羊肉羹。我子待改換門庭。

打滅風聲。愛惜身形。又遠前程。自在這桑棗園中守

人〇續集卷五
墳塋不強如趕酒座歌新令餘音改不的一片鍊石
心引逗起半世剛強性再要我覓錢呵教你箇親娘
枉等。我寧可月戶雲窓夢不成再休題滿花生離前
庭。即便登程遙望見太華山頭雨乍晴潛踪兒快行。
我將這芳心兒把定急翻身跳出渭南城

點絳脣

悟真如

花下迎逢柳邊陪奉笙歌送鼓板聲中攬斷醒南柯
夢**混江龍**若是要世人知重只除是漏花名脫離了
綺羅叢赤緊的官長每不分貧富捷譏每不辨秋冬
他子待刮馬般祗承常不歇每日家竹節似官身不

曾空受了些風吹日炙。經了些暑盛寒降。熬了些耽
饑忍渴。聽了些暮鼓晨鐘。有時向接官廳。直等到晚
風寒。恰便似水難兒着雨。在房簷下凍。那裡也珠圍
翠繞。酒醺花濃。**詞頭**這裏是窸窸巫山十二峯。雲
萬重。住在這風波黑海是非中。子被那臊羅網打住
丹山鳳。掩風月。悞賺入桃源洞。這壁又嚷。幾時得綠
窓前一覺遊仙夢。我子待出三界禮真空。**天下**總子
我這痴小心腸。不懵懂。難同。乾和閑。有一日怨東風
滿園堆落紅。髮慵施蘭蓋膏。臉羞對青鏡銅。那其間
老來催愁萬種。**那**此令向鸞臺鏡中。施呈些艷容。共

鴛鴦被中。沙糖口唧噥。到鮫綃帳中。牙疼呪念誦。軟
厮禁錦套頭。鬧和火花胡洞。他更有一千般假意兒
過從。**鵲踏枝**。他子待舞衫重。酒杯傾。暮飲朝懽。柳綠
花紅。貪眠底奢華受用。問甚麼下場頭。風月無功。**寄**
生草。性格兒多溫潤。身軀兒又穩重。主中醜。幹家私
不惹閑搬弄。有恩情多節操。永結團圓夢。少包彈無
議論。堪作賢達頌。一門親戚得安和。雙親堂上能供
奉。**五**。做子弟的閑談笑。諸般俊俏心腸。百事通。穿一
套打眼目的衣服來陪從。帶一宵浪風情雲雨厮搏
弄。占一斷放踈狂烟月相和哄。常子是一生剛被燕

驚忙。抵多少一杯未盡笙歌送。做丈夫的似顏子
貧窮。固學尾生信行隆。不雜情的心性常不動。不輕
狂的行止都沉重。不虛脾的言語多成用。不入那貪
花戀酒錦排場。守着這充饑解渴黃齋甕。**后庭花**拜
吾師老古峰。掃蒼苔烟霧濛。接引得連山秀。插青霄
透碧空。他說的太惺惚。愚迷人把言詞調弄。逞花枝
開艷容。勾蝴蝶引蜜蜂。恰便似野薔薇趁晚風。水泛
萍波上湧。**青哥兒**他待請僧人僧人齊供。却怎的少
了法聰。法聰一衆。他莫不羅綺叢中醉眼朦。甚的佛
祖家風。那派禪宗。莫不是高僧至。聰下祝融。峯山畔

遭逢瀟向那紅蓮葉兒中。他待把菩薩種餘音俺在
法會裡得同叅。勝強如駕帳底諧鸞鳳。將那出生死
機關轉動。一法能通萬法通。打三更日午當中。用深
功跳出樊籠。穩情取九品蓮池極樂同。把性理會融。
將真言諷誦。不強如向拘攔撒朗末鬧烘烘。

點絳脣

團圓夢

經史儒書。古今賢婦。從頭數。也有那好弱賢愚。萬載
馳名譽。程江龍做女子時在家從父。為人妻呵既筭
出嫁索從夫。秉貞堅節操。立穩重規模。你道我白屋
閑居人漸老。我子待青燈相伴影常孤。我待學呂氏

榮能殺盜以甘其忿。孟德耀高舉案以事其夫。魏溥妻親割耳以成其志。梁高行自割鼻以撫其孤。王凝婦輕斷臂明其貞烈。孟姜女長哀慟傾彼城隅。魏貞姬刀斬指不從賊令。竇烈女投崖死旌表門閭。我怎肯浣芳名同街市濫風聲。子待守清白學上古賢人。趣雖不把儒學講誦。也曾將女誠熟讀。**油葫蘆**有一箇抱姪携男魯義姑。他將這親子疎。更有箇採桑的烈女遇秋胡。更有箇三移居止的賢人母。更有箇兩朝師範的班家婦。更有箇忠馮姬能當態。更有箇孝楊香敢跨虎。更有箇浣沙抱石投江女。他都向青簡

內把名書天下樂抵多少夫戍蕭關妾在吳。你道我
身軀。花不如聖人。道治容的誨淫何足取。但學得趙
貞女般有孝心。怕甚麼宿瘤女般無美譽。我子待播
清風億萬古。那堪令一任我窮則窮甘心受苦。你道
他富則富無心戀汝。一任他美則美我芳心不渝。便
將着燒手般金鳳釵。便有那爽口的綿羊肉。更將着
十數箱搶眼的衣服。鵲踏枝我其實不相孚。我心內
半星無。一任你數黑論黃。我其實惡紫奪朱。我也無
夫人的分福。只甘心向萱堂奉養尊姑。醉扶歸他子
待敬錢物如父母。愛鈔貫如宗祖。若許他錢呵便着

暖水兒溫存了比目魚。隱着他撮合山的言詞。固若無錢呵。直說的江乾海枯。子他這巧舌頭便是箇姻緣簿。**金盞兒**樂貧居。守窮廬。緝麻紡線學織布。為女的勤攻針指。為男的力耕鋤。和霜挑野菜。帶雨種春蔬。到春來桑桑呼伴採。到冬來村酒喚隣沽。**賺他**守一片孝心堅。養百歲萱堂暮。便是平生願足。侍養的羊老慈親樂有餘。奉晨昏康健安居自供厨。將飲饌甘腴。子願俺當軍的兒夫。早早歸故廬。向堂前戲舞。妳妳呵。你守着親兒親婦。樂堯年舜日永歡娛。

點絳脣

香囊怨

你子待錢。蓋門揭錢鋪。增砌鑽入這錢眼內。錢做床
席。橫倘在錢堆上睡。**混元龍**你子待錢為親戚。幾文
錢便是好相識。錢為姊妹。錢做妯娌。獎的是會覓錢
的。孫兒能劫寨。常子教慣使錢的。子弟納降旗。也不
怕錢多害已。你子待錢少相離。常子把錢財愛重。常
子教錢物堆積。見一日無錢呵。至少也有五百遍長
吁氣。若無錢呵。一任你聰聰俊俊。但有錢呵。管甚麼
囉囉回回。**和蘭蘭**你教我做一段清新甚傳奇。我數
與伊。我待要做一箇諸葛亮。掛印氣張飛。我做一箇
王鼎臣。風雪漁樵記。我做一箇關大王。獨赴單刀會。

做一箇包待制雙勘丁。做一箇黃魯直打到底。做一箇還鄉衣錦薛仁貴。做一箇李亞仙花酒曲江池。**天**
下樂做一箇半夜雷轟薦福碑。你教我做一箇新的。有一箇雙閨警。做一箇旦本兒進西施的越范蠡。做一箇李太白貶夜郎。做一箇蘓子瞻遊赤壁。做一箇泣對的田真是軟末泥。**那吒令**你待着勸朋友的傳奇。做一箇管寧割席。你待着存陰騭的傳奇。做一箇劉弘嫁婢。你待着貞烈婦的傳奇。做一箇秋胡戲妻。做一箇狂夫呵有煮海生。做一箇怨女呵有臨江驛。做一箇賞黃花的浪子回回。**鵲踏枝**做一箇別虞姬。

做一箇杜鵑啼。做一箇鑿壁偷光。舉案齊眉。做一箇
黑旋風。山兒李逵。做一箇賢達傳。孟母三移。**寄生草**
有一箇寄恨向銀箏怨。有一箇志嘗在金線池。有一
箇崔鶯鶯待月西廂記。有一箇董秀英花月東牆記。
有一箇王月英元夜留鞋記。有一箇蘓小卿月夜販
茶船。有一箇呂雲英風月玉盒記。**醉扶歸**。空逗引蜂
蝶意。枉約會燕鶯期。我從來做不慣迎新送舊的。又
不比浪包婁求食奴。這歡會須隔着巫山那壁。好退
波。楚宋玉權回避。**金盞兒**。休誇你百精細。百伶俐。虔
婆每千斤鎚敲得你天靈碎。油頭粉面都是些。吸人

賊更有那俏姨夫如虎猛嬌姐姐似狼飢。休信這巧

舌頭佯孝順。甜話兒假慈悲。**醉扶床**我雖是生長在

風塵內。我常是操守的性剛直。我怎肯再嫁重婚。做

潑賤妻。嫌的是腌門。逞無仁義。既點污了我花枝兒

般嫩體。休想我又引惹浪蝶狂蜂戲。**賺尾**看你財物

做經商。鹽客圖些利。休送入滑擦琉璃井底。俺這門

戶錦陣花營。列的整齊。但來的一箇箇着迷。想馮魁

那箇呆頭。干送了三千引新茶。落甚的。船到了金山

寺裏。那蘓卿打聽的雙生及第。向迴廊壁上暗留題

賞花時。你道我標致風流出格妍。我怎比沂國

夫人李亞仙。我是箇花胡洞女婵娟。恰會把筆纂自
演。常子在歌扇底舞裙邊。休只顧貪圖他入馬錢。
但得箇知心的。是宿緣。常言道。夫乃是婦之天。若成
了歡娛。纏綿。儘今世永團圓。

點絳脣

仙官慶會

憑着我志氣剛強。意無偏黨。為神將。我將這塵世周
方。蕩邪穢除妖妄。**湘江龍**與人家護障。只為我肝胆
英豪志昂昂。降妖呵。揎拳捋袖。恭聖呵。拱手鳴璫。我
將這黑幘頭重拴了。紅抹額。黃金帶。高拽起綠羅裳。
拂綽了鋼髯塵土。消拭了鉄面冰霜。整頓了烏靴象。

簡安排了紫綬金璋。我只待步雲衢。曲躬躬恭謁在
天堦上。只為我一生忠義。因此上萬古名揚。**頑頑**
家住在終南錦繡鄉。俺學業講。只為我不貪名利。悞
了文章。但立言便把忠直獎。但存心便把神仙想。因
此上列仙班。品第高居神位壽筭長。常子是除邪斷
恠伸幽枉。致令得寰宇姓名香。**天下樂**誰不知福祿
鍾馗是我當。已得到春陽衙門戶。傍畫的咱黑黢黢
硬鬚髯有倨長。一隻手揪着箇小鬼。一隻脚蹉住箇
魍魎。塗的咱有一千般醜勢樣。**那吒令**你問我人間的
教向。那曾有一爐末香。你問我入間的廟堂。那曾

有一間破房。你問我人間的供養。那曾有一杯淡湯。
常子是被塵埃蒙罩了紙。被風雨飄零了像。遇新年
又與咱抹上些銅綠衣裳。**金瓶**咒念小聖常子把鬼
來降。又不管世人央。小聖呵常將這法力着人無恙。
都為甚將仙官道教者的尋常。只待要齋僧求佛力。
賽廟祭關王。只的是善神不禮拜。燥惡便燒香。**寄生**
草他怎識神與鬼。他怎知陰共陽。這屈伸倚伏天之
况。這陰陽消長神之相。這賢愚敬慢人之樣。那血食
興廢古之常。神靈變化咱之象。**又**積善的神皆喜。造
惡的天自量。只為俺神明正直無私枉。因此無妖邪。

氣珍相侵傍。人間陰陽從天降。若是這今時人學得
古時人。便似那長江後浪隨前浪。仗小聖憑陵海
岳威。包括乾坤量。我覩這殄滅妖氛在掌。憑着我舉
鼎拔山氣勢剛。我着那世間人不用巫尪貌堂堂百
魅皆降。保佑的萬萬載黎民樂業康。憑我這兩條臂
力強。大拳頭莽壯。驅了邪呵。直教那好人家宅院降
千祥。

點絳脣

獲駙虞

薄賦輕徭。恤孤念老。皆溫飽。只願得雨順風調。便是
俺村田樂。**混江龍**輸糧納草。全憑耕種與鋤鉋。官府

裏清廉有道與百姓水米無交。每日在打麥場中喬
戲耍。葫蘆棚底醉醺醺。恰賽罷牛王廟裡。又祭在馬
頭神前。只願得蚕桑滿箱。禾黍盈倉。閑來時漚麻坑
滑出律。摸一會瘦泥鰍。渴來時樹梢頭醋溜溜摘幾
箇生酸棗。受用些荆釵布襖。野荻山穀。**湘蘭**我見
他酒醉身軀踉蹌倒。一脚低一脚高。我見他也斜着
雙眸把話兒嘲。一條乾乾淨淨的裙兒。展上些拖拖
搭搭的溺。怎覩他村材料世世的臉。腦兒常帶些稀
稀留留的哭。濕濕淥淥按了兩手泥。滑滑擦擦的跌
了四五交。便做道沉沉重重的醜婦。是家中寶。也不

曾見這潑弟子刺刺荅荅的忒熈糟**天下樂**我不打

煞你這婆娘不姓喬我將他勸着他越唱叫他道是

早晨間將水牛不見了這其間厭厭紅日西紛紛黃

葉飄赤緊的晚雲深山路杳**那叱令**我待下路可怕

棘針刺掛扒我待上坡可怕青石磕着我待入林呵

怕藤羅絆倒忽見箇銀堆成猛像儀玉琢就猙獰貌

唬的俺悠悠地魄散魂消**鵲踏枝**我這裏自評跋暗

量度待道是勇勢斑斕却怎生皎潔霜毛那更又性

馴善全無躁暴只見他嘯西風轉過山坳**村里逐鼓**

行來到深山小路恰離了秋風古道疎林外昏雅亂

噪嵐氣鎖淡烟迷遠山殘照我向這七里平坡上正
撞着我見他玉碗似蹄銀條般尾雪塊似毛待說他
是虎呵金不見張牙露爪元和令我子見冷森森紫
霧飄昏慘慘黑雲罩刮陰風聲撼動樹林稍將人來
驚唬倒分明神鬼絮叨叨他道是現禎祥稀世寶一
霎兒雲氣消月色遙兀良瑞靄偏荒郊你待要明朝
引俺州衙裏報心內焦說的我戰篤速腿挺搖四
明若還官長問根苗誰與我把狀兒調你教我首先
一句如何道倘或問答應的有低高怎肯饒他甘拷
折你爺腰勝葫蘆這的是伴得賢良志轉高罵你箇

無廉恥的女妖嬈。賣弄他出衆當官敢誑作。到那裏
擺列着兩行公吏。六房令史。我看你檀口綻櫻桃。**(公)**
我子愛留着殘春飲濁醪。不似你膽大把身包。他是
箇有脚的虫蟻。若是覓不着。那其間捉將你去拷着。
尋要空落得濕肉伴乾條。**(尾)**罷罷罷。不去把水牛尋。
且向這州衙裏報。親曾見奇珍異寶。禱告你土地山
神護祐着。每日家不離週遭。只等的率兵拔出荒郊。
守定窩巢。獵得禎祥獻。

聖朝也不顧高官重爵。也不顧精銀響鈔。只顧得將俺
民庶免差徭。

點絳脣

黑旋風仗義疎財

一帶青山兩行白鴈秋空晚楓葉凋殘籬菊迎霜綻

濕江龍

平堤古岸小舟閑却釣魚竿黃蘆野水紅蓼

沙灘遙聽犬聲行客喜倒騎牛背牧童還半竿斜日

把後車催望幾家燈火將前村盼正按林鳥倦出岫雲

閑

煙胡蘆

千里驅馳兩鬢霜風露寒猶勝如烟波名

利大家難經了些羊腸古道行程趲省了些馬頭風

月吟鞭懶亂石堆高嶺喂斷橋橫淺水灣正值着滿

川黃葉郊墟晚呆荅孩斜倚寶雕鞍

天下樂

時復高

歌把劍彈入得門闌遙望着古廟間見佳人手擎着

村務盡。狂客被歌酒迷。好花教風雨殘。一箇箇感愁
眉掩淚眼。**醉扶歸**打這廝忒淫濫。污官官將百姓傷
殘。不曾教你倚着勢把平人婦女奸。這是你將公事
能迷辦。打這廝左右人幫閑鑽懶。那些兒肯救民塗
炭。**金盞兒**我見他數十箇逞着兇頑。我子一二合打
的彎跽。子我這莽拳頭上實無眼。打的他四零星散。
恰便似癩癩。打的他七林侵尋鬼窟。慌驚速拜神壇。
他刻自叫金鞭來指路。聖手與搬攔。**尾**我子待一念
濟孤貧。半世扶危難。怎肯把仗義疎財意懶。試看山
兒這一番。直教那潑無徒膽戰心寒。若回還俺哥哥

喜咲開顏。便與了五十石糧食。有甚罕。若那廝再要
你女兒。擎壺執盞。再若是強奸廝犯。那趙都巡的盪
官衙。審做鬼門關。

點絳脣

蟠桃會

寶鼎祥煙。玉樓金殿。霞光炫。仙樂聲喧。慶會在蟠桃
宴。**混江龍**奉邀仙眷。駕祥雲飛下九重天。看了蓬萊
一瞬。隔著弱水三千。鶴隴金冠遊閬苑。霓旌寶蓋會
華筵。拂玉陛和風習習。照金鋪化日暄暄。映繡閣祥
光冉冉。裊芳林瑞靄綿綿。接銀漢瑤宮隱隱。溫金盤
玉露濺濺。舞碧落青鸞對對。帶紅霞彩鳳翩翩。掛丹

崖蒼松偃偃。陰古澗翠竹涓涓。布晴霄慶雲。溢東
海福水源源。轉寶樹鶴年攸久。宿嘉蓮龜息綿延。翠
巍巍壽山高聳。青湛湛古栢新鮮。騎白鹿引玄猿。乘
翠輦御雲軒。請的南極星增壽。向瑤池東華君賜福。
來金殿。金幢遠引。寶蓋高懸。**油葫蘆**十二瑤臺在眼
前。有甚遠。都是此長生不老。大羅仙。見了此金烏玉
兔。把璇璣轉。見了此桑田碧海。將塵寰變。咫尺間十
萬里。瞬息中千百年。談笑間八表都游徧。隔人世幾
重天。**天下樂**想那至理虛無不可言。推延。憶妙玄。保
天和樂。天命自然。守清真紫府中。養黃芽丹竈邊。敢

都得列仙班。名姓顯那吒。今想太極未分時。大道在
先。既分了至理。早全成呵。三才判焉。這兒靈識微。那
一竅玄關鍵。二黃庭下有丹元。鵠踏板煉真鉛。養丹
田。甲配庚申。坎離離元。馴虎嘯西南。月偃老龍吟。紅
日當天。醫生草保養的嬰兒壯。看成的姤女妍。黃婆
早識春風面。紫河車碾雙輪轉。皓華氣湧虛雷。電子
這些藥爐火。煖內丹成。紅光上燭靈虛殿。樂勝景
風光好。愛仙家歲月。延伴十真。咲傲把青山戀。隨八
仙游。戲把神通現。將六賊降伏。把貪嗔善。受用此壺
中。日月碧天長。着了鼎前龍虎。把黃金賤。公調玉液

瓊漿飲。把霞霄霧縠穿。食兩碗玉露。青精膳。誦幾篇。
玉簡黃庭卷。寫一卷玉筋丹書篆。似俺這光輝鳳羽。
導仙幡。抵多少雲移雉尾。開官扇。是你箇增福二。
仙官。添祿多仙眷。擁鶴馭西臨吳天。俺那裡千歲蟠。
桃五色鮮。散香風吹滿華筵。玉盃傳永壽延年。會洞。
府高真授簡篇。我來鑾輿駉駿。駉駕排仙院。聽笙歌。
一派出壺天。

點絳脣

遊赤壁

萬里長江。半空虛浪。驚濤響。東去茫茫。遠水天一樣。
混江龍 壬戌秋七月既望。泛舟屬客。落何方。遇黃泥。

之坂遊赤壁之傍。銀漢無聲秋氣爽。水波不動晚風涼。誦明月之句。歌窈窕之章。少然月出東山上。紫微貫斗。白露橫江。**油胡蘆**四顧山光接水光。天一方。山川相繆。鬱蒼蒼。風流千古人惆悵。天連接崔嵬。一帶山雄壯。西望夏口。東望武昌。沿江殺氣三千丈。此非是曹孟德困周郎。**天下樂**隱隱雲開見漢陽。荆也麼。襄。幾戰塲下江。順水金鼓響。旌旗一片遮。舳艫千里長。則落得漁樵做話講。**那咤令**橫糊賦詩是皇家棟梁。臨江釃酒是將軍虎狼。修文偃武是朝廷紀綱。如今安在哉。我做一英雄將。空留下水國魚邦。**鷓鴣枝**

水茫茫。樹蒼蒼。大火西流。烏鵲南翔。浩浩乎不知所
往。飄飄乎似覺飛揚。**寄生草**。渺滄海。知一粟。哀吾生
之幾塲。舉匏樽。痛飲偏惆悵。挾飛仙。羽偏舒暢。這流
光長嘆。偏悵快當年。不為小喬羞。只今惟有長江浪。
國休把洞簫吹。再把詞章唱。蘓子正中坐。掀髯鼓掌。
洗盞重新更舉觴。眼縱橫。醉倚蓬窗。怕踈狂。錯亂了
宮商。餚饌盤空夜未央。酒入醉鄉。枕藉舟上。不覺的
朗然紅日出東方。

點降唇

千里獨行

我則待創立劉朝。替天行道。誅奸暴。水米無交。立大

節全忠孝。**混江龍**。恰離了奸雄曹操。休愁我獨行千里路途遙。我丹心耿耿。似水滔滔。昨日在相府修書封府庫。今日在霸陵刀挑絳紅袍。曹公失色。戰將魂消。顯驚殺許褚。幾諕死張遼。憑着我立國安邦三尺鉄。不怕他曹兵圍縱五千遭殺的。他殘雲般敗走。有命難逃。**柳胡蘆**。憑着我坐下渾紅偃月刀。不怕他武藝高。若遇着英雄且敵。豈擔饒。他更有韓信般暗度陳倉道。準備着大會垓十面將軍吊。他憑着百萬兵。咱仗着一將驍。咱雖然飄零四海無人靠。量奸雄一似小兒曹。**天下樂**。這林內是杜宇啼。啼客恨消。你休

得心焦。過小橋。歎行人。路遙望天涯。雲漢間。覩長
空日影高。若得會俺仁兄。忘了軀勞。**那叱令**過溪邊
小橋。見垂楊樹梢。脫征衣錦袍。解獅蠻甲條。把車兒
且住着。啼鳥在林間噪。怎聽上絮絮叨叨。**鵲踏枝**似
這等風飄飄。雨瀟瀟。雲慘慘。路迢迢。盼不見舊日桃
園。生死相交。共姪兒嫂嫂。把曹公謝了。受驅馳水遠
山遙。**寄生草**嫂嫂你休憂慮。得相逢不避遙。我不怕
天涯海角都遊到。我心如日月乾坤照。真誠不改全
忠孝。想當初中興光武走南陽。今日俺漢皇叔撞入
檀溪道。**那叱令**俺哥哥寬仁義。性謙謙。智見高。端的有湯

肩禹背君王貌。寬洪海量無強暴。皇天不絕咱宗廟。
他憑着英雄文武藝雙全。便教乾坤宇宙皆安樂。**回**
原我正是敬哥哥奉嫂嫂。便是俺關雲長全忠孝。
也是俺弟兄每多不幸。到徐州失散了。因此上被曹
操。閃的俺英雄零落。漢乾坤不定交。陣雲飛未消。踐
紅塵路境遙。**哥兒**呀。四下裡干戈干戈攘開。八面
兒旌旗旌旗作號。處處烟塵將士馬招。都只待擐甲
披袍。仗劍提刀。不離鞍轡。到處征討。也待把漢國江
山漸漸消。恨不得兵傾倒。**尾**心中憶故交。千里終須
到。眼着着古城兒堪堪的近了。只見那樓邊豎着旗

號上寫着快活年國泰民饒。四面週遭列着鎗刀。則見那金鎖堤邊。纜吊橋。城牆接碧霄。門傍擺襄陽大砲。這裏是藏龍穴。棲鳳巢。

點絳脣

常椿壽

恰遊了北海蒼梧。九州寰宇。雲衢路。紫府仙都。縹渺烟霞處。**混元龍**看了這金烏玉兔。東升西落不停車。俺仙家管甚麼流年似水。造化如爐。俺子是九轉丹成。千歲壽。一斤鉛結萬年珠。神通妙用。至理真如。本來實有。不是虛無。世間人怎識得這玄機務。誰有俺仙風道骨。盡都是俗眼凡夫。**混元龍**十二闌干接太

虛。望着東海隅。俯山河九點兒。翠烟墟。看了這雕簷
遠映西川渚。珠簾半捲南山雨。他道是恐驚着天上
人。少高聲莫浪語。猛聽的哀告回頭覷。原來是尋不
見的那靈樗。**天下樂**。樵也。你拾得春風咲臉舒。着我
躊躇。爭奈你土木軀。向紅塵怎生能跳出。則除是受
凡胎結世緣。證聖果運化樞。纔教你煉金丹。修行足
那吒令。你向那常家的院宇。生為他鳳雛。你為那盛
家的眷屬。生為他幼女。羨因緣對付。子你這嬌兒配
艷妹。既得成氣血軀。方可問修行路。這言詞並不空
虛。**鵲踏枝**。你且歸歟。莫紫紵。我教你穩列仙班。同駕

仙輿。那其間纔顯的貧道良言可取。做神仙自有規
模。**醉扶歸**。憑我的志盛如山岳。量闊似江湖。這莫是
醉倒黃公舊酒爐。這是我酒興踈狂處。也不管夕陽
漸晡。留戀着盞內清香物。**金盞兒**。你索青蚨。我一
文無。我怎肯相逢不飲空歸去。你怎生揪了我條穗。
要當衣服。我不比郎君每携妓飲。秀士每典琴沽。我
有這滿籃香嫩蔬。一部悟真書。**尾**。憑寶劍立奇功。仗
法力將人度。你教我常來這酒槽頭護助。又不曾靈
寶清微前授籙符。止不過隱山林野老狂徒。不離了
煉丹爐。配了些坎離妻。夫丹熟也。火候調勻。藥有餘。

本是箇烟霞伴侶。家住在碧雲深處。等閑間倒騎着
白鹿入蓬壺。

點絳脣

十長生

玉笈靈符。寶函仙籙。清虛府。方丈蓬壺。便是不老長
生處。**混洞**香風時度。駕祥雲。瑞靄出皇都。笑俯着
天邊玉兔。靜觀着海上金烏。配合了。姹女嬰兒。臨玉
闕。調和的紅鉛白汞。入丹爐。能將這坎離抽換。會把
那龍虎降伏。正三才乾坤定位。順八卦震兌相孚。握
剛拳安神定魄。調龜息重吸輕噓。煉玉液無中之有。
養金丹有內之無。用功向前弦之後。留意在後弦之

初分二八一斤加減得一斤八兩來除向九州順安
九鼎御三辰逆運三車。啾咽的華池水溢。包涵着絳
關光舒採藥是西南之域。尋根到玄牝之區。對真境
無意去住。任黃婆得意歡娛。煅煉出袖中神劍。追求
得海底明珠。頻頻的抽添火候。默默的保養靈軀。放
之行彌乎宇宙。歛之來隱入纖須。那其間脫神胎功
行有天知。幹玄機聖果惟仙助。修積的千年壽永。只
消的片晌工夫。**洞明篇** 恁在人海場中。纔跳出。便要
與造化俱。子恁那形骸土木尚頑愚。恁要我占嵩高
常做箇烟霞主。我子待向蓬萊度。恁做神仙侶。服黃

芽九轉丹。授黃庭一卷書。常教你樂清閑。圍繞在蓬
瀛處。都一般壽永八千餘。**天下樂**。憑着我袖裏青蛇
膽氣粗。降伏將恁業障除。到壽山福泉功行足。壽山
連大海。福泉在三島隅。那裏有麟洲和鳳渚。**醉中天**
青嶂擎天柱。碧海遶仙都。五色呈祥自捲舒。千丈盤
根固擁翠。似丹青畫圖。鳴金戛玉。報平安喜信無虛。
金烈兒向仙衢。駕雲車。宴蟠桃。常共仙童舞。瑤池中
千歲保靈軀。十般兒洞天長壽物。福地永安居。常子
向烟霞同咲傲。伴着那風雪樂清癯。**漁父**我見紫氣
結晴嵐。翠色濛香霧。封丹竈。白雲滿谷。玉潤丹崖畫

不如。淅清霜。楓葉模糊。勢榮紆雪積。嶠嶼。自與人間
景物殊。採得那紫芝田一區。玩了那瓊華幾樹。趁着
這香風。瑤草入仙都。

點絳脣

八仙慶壽

鶴馭相從。霓金前奉。祥雲擁。兩袖天風。恰出蓬萊洞。
混江龍彩雲青鳳。御靈飈。八表上洪濛。乾坤高下。日
月西東。咲指仙鄉珠杰小。靜觀人世劫塵紅。妙合先
天用。受用着丹臺紫府。貝闕珠宮。**千秋歲**袖裏青蛇
膽氣充。寶是猛。這劍斲貪嗔除業障。咲談中。有玄鶴
白鹿常隨從。有黃鸝朱雀駢飛控。離瀛洲千萬里。指

瑤池一望東。漢鍾離師傅先陪奉。子今日同赴蕊珠
宮。**天下樂**千歲蟠桃此日紅。子你這金童問俺修煉
功。保精神調吐納。體自冲。和合的素色。永紅色。鉛。降
伏住白色虎。青色龍。致令的黃婆喜咲容。**那叱令**你
問我能幹運化工。邀金公與木母共同會。抽添火功。
將嬰兒和姤女。斲蓬得純陽卦統。把離文換入坎中。
一揮向月鼎前。降伏了諸魔洞。看靈丹寶氣如虹。**鵲**
踏枝胎養處火休紅。沐浴呵慎防衝。用了十月功夫。
生箇仙童。從此去無邊受用。這是俺為仙的不老家。
風醉扶歸他情着劉漢將軍俸。向山澗把異人逢。因

此上玉篆金科授簡榮成道向靈丹洞得秘訣壽春
的縣東曾示與我成仙頌**金盞兒**我在那利名叢得
師逢。若不是終南山一枕黃梁夢。到如今由兀自長
安路上氣冲冲。我也曾遨遊在滄海北。我也曾醉飲
在岳陽中。我也曾度妖精尋綠柳。我也曾飛寶劍伐
黃龍。**餘音**到如今居紫府大羅天。受徽廟恩光重。封
我做真人妙通。只為我修煉神形道德隆。列仙班名
籍仙宗。出樊籠壽喬松。遊戲神通妙術中。我將這丹
田火融。黃庭朗誦。乘着我一襟清氣御剽風。

點絳脣

神仙會

兩袖風清。一天雲靜。乘清興。遙降蓬瀛。向人世遊芳
徑。**混江龍**酒淘真性。醉高樓。三入岳陽城。我本是鸞
臺仙侶。權做箇蝸角書生。打疊起。貝闕珠宮。閑笑傲。
又來這錦營花陣。較輸贏。這地是紅鄉翠館。不比俺
紫府黃庭。恰出了蓬萊方丈。暫來遊月戶雲屏。且不
煉金丹玉液。聽一會象板銀箏。收拾了朝天拜斗。准
備下待月披星。撇罷了霞餐霧宿。安排着雨約雲情。
空閑了白鶴彩鳳。新堦上乳燕嬌鶯。躲離了七真壇
院。又撞入百媚門庭。火冷了藥爐茶竈。音調着曲譜
歌聲。法遠了踏罡步斗。樂演着鼓瑟吹笙。憑着神通

變化性聰明。心放浪。體伶仃。自嘆咱平生花酒假相
親。人都道一襟風月偏相稱。比幾箇儒流秀士說一
回海誓山盟。**南金蕉葉引子**。羅幃繡屏。曉鶯啼綠。因
睡醒。調合鸞簫鳳笙。出香閨乍晴。**油詞**。家住在瑤
臺十二層。白玉京。常子是覲清光朝上國。住天城。俺
從來萬言策氣吐虹霓盛。一生心勢與南山並。我為
甚飄蓬到錦繡鄉。浪遊來花柳營。識得這功名世事
皆前定。恰便是黃梁一夢霎然醒。**天下樂**。因此上落
魄江湖載酒行。來到吳興。着了這山水清。又遇着楚
腰纖。袅娜在掌上擎。覲嬌娥比蘓州窈窕娘。念小生

比揚州放浪生。贏得箇占青樓薄倖名。**兩山客**聽奴
告稟。迎新送舊。居花柳蹊迳。自落風塵。真箇無緒無
情。願得似小卿雙漸。百年一處歡慶。只願得好花不
謝。好月常圓。好事同成。**公**心肯結此生歡娛境。倚玉
偎香。柳媚花明。美景良辰。行樂意同情。今生似鶯鶯
君瑞。百年一處歡慶。只願得好花不謝。好月常圓。好
事同成。**金瓶兒**你教我結深盟。效貞誠。我教你穩坐
萬里青霄興。引的你出迷途。再不入托空城。成就了
百年佳會景。打疊了一世潑風聲。管教似雲中秦弄
玉。天上許飛瓊。**金瓶兒**你待要禮三清。謁神明。騎鸞

跨鳳同朝聖。怎撇的美甘甘風月所。花撲撲錦繡城。
我是箇調獠新子弟。統饒謊書生。你已自入雅羣休。
咲黑。你正是喫魚鱠却嫌腥。**餘音** 偎香倚玉心。握雨
携雲興。都引到長生勝境。欲待似阮肇劉晨入武陵。
赤緊的泛桃花春水方生。兩留情。各叙真誠。共一箇
乾風月佳人做伴等。乍聽了高樓按箏。小箇歌令。休
猜做九天風吹下步虛聲。

點絳脣

慶朔堂

歌舞攻習。樂名拘繫。為娼妓。趕趁樽席。淘損了元陽
氣。**混江龍** 更撞着村沙子弟。將俺這不自由的身軀

苦禁持。那裡會真心陪伴。他子待儘力施為。常子是
頃刻歡娛成配偶。怎能勾百年相守做夫妻。今日在
柳間開宴。明日向花下排席。恰揜着啼痕送舊。早扮
下笑靨迎新。你便是假別離。禁不得數十番。強支持
熬不到三十歲。一箇箇消香減玉。染病耽疾。**柳梢青**
我為甚羞對粧臺。懶畫眉。怎當這潑路岐。你道是虔
婆子弟。每會收拾。一壁廂。可說幾句牙疼誓。惡
狠狠使一箇拖刀計。喜孜孜把笑臉兒迎。沉點點把
鐵磨兒推。便做道粧孤膽表的多精細。少不的也賣
劍典春衣。**天下樂**瘦損春風玉一圓。誰知擔着些喘

嗽疾。這是我一世兒幹家私落來的。到晚來熱綢繆
子弟每纏。清早晨應官身祇候每催。綠茵春睡起。**那**
昨令。你教我留一箇有錢的富的。我子怕夢撒了他
撩丁鰲的。你教我尋一箇聰明的俊的。他怎肯斯守
我到底。你教我嫁一箇會彈的唱的。怎跳出這糞堆。
我子待立婦名成家計。情願與他舉案齊眉。**鵲踏枝**
沒一箇志誠的。做夫妻。但得他折桂扳蟾。休想我賣
俏求食。若得了一官半職。改換了烟月門籍。**寄生草**
受了些腌風月。用了些短見識。見一箇有錢的村漢
早心歡喜。留一箇無錢的子弟早頓聲氣。說一箇多

才的秀士便忙回避。做娘的巴鰻太心毒。怎當他那
虔婆每放着傍州例。**村里逐鼓**猛見了風流模樣。引
的我精神百倍。他問我婚姻匹配。好教我羞答答怎
生支對。我和他意廝投。心先順。情相美。從今後管此
家私。學此針指。立此志氣。但管取美恩愛團圓到底。
元和令你不索心上疑。莫猜咱有別意。儘今生偕老
做夫妻。學上此好人家禮體。你道是席前美酒飲三
杯。只喫的醉醺醺衫袖濕。**上馬嬌**我子道學問奇。誰
知他酒量微。兀的般村漢不中陪。你看他雙鬟不整
金釵墜。醉眼迷。感損遠山眉。**遊四門**滿頭花壓帽簷

低這兩箇無廉恥。潑東西。喚梅香。婢到書齋裏。一
任玉山頽。只等他醉後早扶歸。**勝葫蘆**。滿捧流霞
漱。灩杯。絃管急相催。醉眼朦朧春意美。錦闌低。銀
燈高照。香篆裊金猊。**后庭花**。把鸞鳳成配匹。將鴛鴦
上錦機。伴着箇錦繡文章客。休道是烟花潑賤婢。莫
猜疑。不比那尋常門妓。你休將一例窺。有貞烈有志
氣。守清白不濫為。既相逢稱意的。水和諧魚共水。**柳**
華兒。要我收拾了鶯花活計。怎當他燕妒蜂嫉。料應
那愛錢娘。聒得人心碎。不由他契劄子斯牙戲。冷臉
兒強施為。我須索耐心兒忍。是擔非。**賺**。雖是你能

通黃卷書。你敢不解紅裙意。幾曾經花柳陣。獐兒每就裏。怎當那一部笙歌出入隨。錦排場翠遶珠圍。但追陪又早着迷。他子待將取字籃數與梨。到晚來懷兒裏溫惜。被兒中滋味。敢教你夢魂兒不忘了咱雨雲期。

點絳脣

桃源景

生長在柳戶花門。全憑着頂老恢運。為資本。受了此萬苦千辛。到落得娘心順。**混江龍**你要我清閑守分。只除是驢生是機角羗生根。每日家楚街轉巷。送舊迎新。恰歛黑時。先歸寢室。未發白天色。喚官身。銀簪

錦瑟象板金樽。清歌妙舞。皓齒朱唇。今日箇美甘甘
客在錦堂歡。明日箇眼睜睜人遠天涯近。串了些茶
房酒肆。常子是待客迎賓。**油葫蘆**北斗揅着金銀不
稱心。還罵道不幹家的潑弟子無淹潤。不覓錢的養
漢心腸併他子待統鈔的撞着額顙贍表的躡着足
根。將他那馮負外茶簍兒收拾的盡。又趕着販茶客
喚郎君。**天下樂**有幾箇達時務知音子弟人出來的
實村。怎聽他喬議論。猜着奉三枚五枚的飲一巡。揪
過來油脂膩懷內搜。扯過去毛荅撒臉上搨。便是箇
鐵腰截也怎地忍。**那吒令**我欲待留一箇客人。恰便

似推一箇磨輪。我欲待招一箇市人。恰便似纏一條
布裙。我欲待嫁一箇樂人。恰便似頂一箇溺盆。先一
班女伴兒嫁了的遭危困。一箇箇喪魄亡魂。**鵲踏枝**
我情願守孤貧。過青春。儘今生沒箇男兒。不受這迤。
若嫁得知心眷姻。洞房中燕爾新婚。**寄生草**看了他
才學膽識。得他性格淳。醋溜溜出落的。兒韻恹恹。
撇打扮的身子俊。不由我喜孜孜逗引的心兒順。看
了你一篇詩內寄情深。抵多少十年窗下無人問。**么**
脫離了鶯花寨。拜別了雅雀群。我將這紙湯瓶再不
向爐中頓。銕煎盤再不把清油混。銅磨竒再不使頑

石運。再不放射人心坎。紫金鉞。再不用敲人腦袋。黃
桑棍。**黃夜時**既合了一夜夫妻。百夜恩休。學那二士
桃源訪隱淪。我這桃也是那三月雨。盡蒙春。又不比
四時消恨。我怎肯五出笑迎人。**公**子。願你六部裡安
身。做宰臣。七香蓋車兒。隨後跟。乞求的八卦內。箕來
真。願你有九卿福分。不枉了十載受辛勤。**賺**十載
受辛勤。九遠逢佳運。八韻賦。須教證本。七字詩。篇語
句新。那其間六街中。誇耀謁金門。五更時辰。姓名傳
揚四海聞。只因這三場試文。二篇策問。致令得一宵
官裏夢賢人。

點絳脣

復落娼

風月佳期。雨雲活計。等不到十餘歲。將歌舞攻習。粧
旦色為娼妓。**混江龍**。擔着箇女娘名器。迎新送舊覓
衣食。止不過茶房趕趁。酒肆追陪。陷了此小根脚。免
焦兒新子弟。擡了此大饅頭。羊背皮好筵席。每日價
坐排場。做拘欄簾幕象板。迎官負接。使客杖鼓羌笛。
招藍商留茶客。過從情意。應官身供散唱。費損精力。
虛盟誓說。托空家傳戶授。假慈悲佯孝順。口是心非。
粧旦的穿一領銷金衫子。蹠爨的着兩件彩繡時衣。
捷譏的扮官員穿靴戴帽。付淨的取歡笑搽土抹灰。

今日箇酒席中求標手散了些美恩情。明日箇大街
頭花招子寫上箇新雜劇。看了俺獠兒每砌末都是
些豹子的東西。**酒頭篇**有一等浪包婁婆娘恣濫為。
隨趁着謊厮每。恰便似醜媳婦嫁漢到室陪。覓的那
數文錢淘損了元陽氣。得的那幾張鈔費盡了慇懃
意。他道是雞脯兒留與大嫂。雞腿兒帶與小姨。將一
碗殘湯剩麵當做珍羞味。抵多少揀口兒喫堂食。**天**
下樂這一部笙歌出入隨。如今的時例不比往日。巴
的到日平西。拘欄中無一箇唱的。子弟每土炕頭躑
了。些狗尾女娘。每臥房中拖了。些狗皮。甚年何日得

發跡醉扶歸你怎生當得這窮家計。你怎生捱得那
淡黃齏。你怎生做得那四德三從貞烈妻。你和他怎
伴得到三十歲。熬慣了送舊迎新月日。怎做得一世
兒終焉計。金盞兒你把這鬱金揮。水銀偎。你只為惹
茨仁貝母。挑膠地。拐紅娘騎海馬。作烏賊。我怕你憶
當歸。過半夏。縱獨活。索防葵。不懷香思遠志。令附子
嘆消梨。醉中天你道是紡緝并供饋。杆杆共番機。你
怎會炙煉炮熅。他那藥石。怎碾他那人參細。若是箇
黃九兒的太醫。將你箇天仙子連累。登時間送了他
桃皮。賺尾既是你不聽好人言。必受村夫氣。跳不出

這腌臢糞堆。你欲立志從良。也索揀箇好配匹。却怎
生見此兒利物。早似隨。勸不得你心回。一刻着迷子。
怕你舡到江心。補漏遲。那其間從良不得。落娼容易。
這的是得便宜。番做了落便宜。

點絳脣

李亞仙曲江池

春日遲遲。困人天氣。韶光媚。草色芳菲。遍野均鋪翠。
曲江池佳人遊戲。鞦韆慵困。解羅衣。梨園杏塢。竹徑
挑溪。收薄霧。暖雲紅掩岫。漲清波。新水綠平池。聲恰
恰黃鶯喚友。語喃喃紫燕爭泥。亂紛紛偷香蝶舞。鬧
穰穰課蜜蜂飛。士女每香車寶蓋。王孫每玉勒金羈。

筵排着龍笙鳳管。酒斟着綠蟻香醅。花步障繡屏圍。
金錯落錦離披。柳絲絲風軟。玉駢驕。水溶溶沙暖。駕
鵞鴨。一處一箇董源圖畫。一步一箇杜荀詩題。

四明

蕭這的是野樹春紅。哨畫眉。我這裏閑行過小溪。我
見梨花影裡睡鳬鷺。我將這骨刺刺小車兒碾破蒼
苔碎。薄設設汗衫兒惹得遊絲細。撒青錢是榆莢飄
捲白綿是柳絮飛。只聽得汪汪犬向雲中吠。是幾家
茅屋傍疎籬。**天下樂**到處東風掛酒旗。寒食清明節
令催。見拜掃的村姑。每列酒食。看沙三舞。一直笑玉
留唱一回。**那比令**你傳情那壁。啟櫻唇語遲。我潛身

在這裡。蹴金蓮款移。他凝眸了半日。呀。把春心逗起。
我見他輕將寶鐙蹀。暗把這絲鞭墜。引得人意張狂。
魄散魂飛。**鵲踏枝**。休要賣查梨。不誠實。與我拾得絲。
鞭。便是良媒。子要你撮合山成就了。鸞孤鳳隻。便是。
俺五百年該撥定的佳期。**醉鴈兒**。見那厮酒灌的昏。
沉醉。剗地待問他誰。你箇好歹。閑的驢顏道甚的。怎。
暖那喬嘴臉。攏兒勢。靠那壁少禁持。罵你箇潑東西。
賞花時。袖得春風馬上歸。室教我梅子酸心柳皺眉。
聽說罷。笑微微。誰和你磕牙料嘴。將彩鳳配山雞。**越**
四門。怕你船到江心補漏遲。那其間悔去也遲。喫敲。

賊休想我落花有意隨流水。你索知風月擔早收拾。
勝韻我常是翠被生寒有夢知。他只墮得醉如泥。
怎看他死勢村沙。掩所為。看了他不識。訓過不知回。
避刻地道。獨自落便宜。**勝韻**這的是害酒從來沒。
藥醫。直睡到日沉西。你箇統鈎的哥哥。再不要題。
後。今日收拾了烟月。尋着箇配匹。曉夜好佳期。**后庭花**
煞我見他俊厖兒。堪品題。串幃的更整齊。賽子建文。
章盛。比潘安容貌美。你不索更多疑。真堪托終身之。
計。效鸞凰成就了一對兒好夫妻。

點絳脣

每日家品竹調弦。舞裙歌扇。相留戀。半霎兒姻緣。沒
揣地陽關怨。**混江龍** 指望看百年姻眷。怎下得磣可
可生折散。並頭蓮。做娘的恰便似暗壁中蛇蝎。做女
的恰便似墊地上蚰蜒。做女的有限程。出賣着婚嫁
鋪。做娘的無明夜積攢下養家錢。怎當這度婆每花
旛兒引惹。錦套兒牽纏。紙瓶兒喂盪。石磨兒盤旋。銅
釘兒釘鉸。鐵鈹兒熬煎。土坑兒深陷。磚炕兒溫暄。鑽
刀兒剔割。錐鑽兒鑽研。甜食兒喂飼。俏泛兒勾連。鴛
帳底繡幃邊。花管內酒席前。做女娘病懨懨使損了
瘦簫城。做子弟眼睜睜下翻了窮原憲。怎教我一生

歡愛儘世團圓。**詞頭**盧有一等膽衰子郎君拽大拳。

他子待騙他是俏姨夫一踢一箇脚梢天。他道是狠

虔婆一說一箇綿羊兒般善。他道是俊女娘一撥一

箇風車兒般轉。他將那瘦尻兒捫得掙。村磕子侃得

圓。俺這門廷但躑着些消息兒機關變。送了些沉點

點販茶缸。**天下樂**似這等打白障的姻緣怎過遣。胡

搨將俺女身軀不顧戀。近新來賣方錢時行的不直

錢。但拈的銀一分。但接的布半捲。却又早巧舌頭一

謎裡戀。**醉扶歸**我見他高才思多通變。俊的兒本堪

憐。似這等有學問的風流美少年。你着我怎不心中

戀。若是那老虔婆問他索錢多。敢是又待阻俺子飛。
金盞兒 莫風顛。少埋怨。子是那不識羞村漢。強留
戀。你待要占場兒買斷了。釐春園。直等的腦門後着
痛箭。臍膊上惹空拳。那其間羞暈明月渡。懶上載花
舡。**醉中天** 聽了他甜口嘴。真能辨。兩膝蓋軟如綿。我
欲待下毒手。將他臉上搨。又且聽我情郎勸。休謊你
江茶滿船。俺娘的鎚兒不善。登時問命掩黃泉。**金盞**
兒 你子待見鬼兒放鷹鷂。咽羊骨不嫌羶。將那肉吊
肉放下遮了他面。你要我待成親。直等到狗兒年。每
日家零賒來還酒債。高擡起賣花錢。抵多少鴈飛不

到處人被利名牽。**詞尾**從今後錦被裡會鴛鴦。綠窗
內調鶯燕。便將狗黨狐朋謝免。守着箇可意才郎共
枕。睡抵多少。冷清清月下星前。得團圓各辦心堅。不
比那無疼熱的喬才。每廝纏纏。你既是好家好緣。妾
便索從良棄賤。唯備着笙歌引至畫堂前。

點絳脣

牡丹仙

穀雨初晴。暖風纔定。韶光盛。枝上流鶯喚起春遊興。
濕江龍小園芳徑。日遲遲。三月過清明。托賴着天公
雨露。后土生成。聚萬斛好香來馥郁。逞百般嬌態。閑
娉婷。感東皇造化有餘工。荷

聖主栽種多臨幸。因此上芳心得遂。艷質成形。**柳萌蘆**
便是俺默默無言。亦有情。怎當這百媚生。着了這顫
巍巍金粉綴芳英。想當時姚黃魏紫。馳名姓。輕紅玉
板相輝映。沉香亭並坐觀。花萼樓聯轡行。奚落的太
真妃捧硯呈新令。翻曲調寄清平。**天下樂**今日箇占
斷春光在洛城。輕盈各自將嬌態逞。俺向這小紅亭
左側躡足行。是誰將玉管吹。我這裡潜在花下聽。不
由人可不。不心內驚。**醉中天**我怎肯香惹蜂蝶興。色
妬燕鶯情。自是我國色天香舊有名。怎與那閑花草
相同並。我也不似薔薇刺藤。者承的薄倖。等閑覓約

尋盟

后庭花

俺本是牡丹仙顯聖靈。列仙班有姓名。

休猜做歲久的花精怪。多年的土木精。你說的好不
惺惺。怎不知仙凡難並。俺雖將嬌艷逞。怎肯惹芳春
狂蕩情。污芳名。污濫聲。便休將佳會等。**青哥兒**看了
那窠枝葉隨風隨風不定。閑花草多少多少無名。他
子待顛倒蒼苔落絳英。俺紫府黃庭。玉簡丹盟。三島
蓬瀛。洞府仙靈。常向那十二瑤臺謁神京。秀才呵再
休把風月話相換律。**賺**我這裏忙轉綠陰中。悄悄
穿芳徑。囑付你先生自省。你見這嫩紫嬌紅倚翠屏。
笑顏開滿路花生。到天明聚友邀朋。閑向花前倒玉

瓶。一任你流霞滿傾。更將那笙歌擁定。直喫到上花
梢月照小紅亭。

點絳脣

千美人慶牡丹

三月春光。百花開放。堪遊賞。國色天香。千古皆崇尚。
混江龍名園景象。牡丹叢裡數姚黃色。居后土。位列
中央。金蕊清奇名貴品。玉容尊重號花王。有萬種風
流况。妖嬈麗質。縹緲仙裳。**油葫蘆**花露盈盈潤曉粧。
行來到玉砌傍。禁不得暖風遲日。燕鶯忙。猛聽得曲
闌邊可搯搯似有人來往。可原來畫樓前擊玎玎風
擺簷鈴響。我這裡尋思了這一會。沉吟了多半晌。子

見他鬧烘烘不離了花板上。都是些蝶亂與蜂狂。

下樂

隨趁東風過短牆。尋芳入醉鄉。猛擡頭覷着紅

粉粧。梳橫着金玳瑁。釵簪着玉鳳凰。我問你到名園

有甚勾當。

那記令

行來到粉牆。見陰稠了綠楊。遙望

着畫堂。見初開了木香。恰轉過繡房。呀。早飄零了海

棠。九十日春去忙。數十處花爭放。撚拍間三月韶光

節節高

猛聽了曉鶯聲轉。聲轉在綠楊枝上。把我這

春眠喚醒。困騰騰心情悒悒。我這裏步出芳叢。恰離

了雕檻。早來到主廊。子見他繡帶飄羅。裙簌寶釧響。

原來是姚家黃姐姐探望。

元和令

我見他臉微勻膩。

粉光。衣輕裾紫雲。洗他那壁。啓櫻唇半吐。麝蘭香。莫
不是俊嬌娥。沒事謊。你待要會邀仙侶。宴春陽。正值
俺牡丹亭。日月長。**上馬橋**。百媚粧。萬斛香。也消得金
殿宿鴛鴦。到來日。銀筆象板。瑤臺上。天。玉液漿相勸。
碧霞觴。**近四門**。翠擁紅遮。錦繡鄉。先說俺魏紫與姚
黃。俺從來價值金千兩。顏色果非常。強先占百花王。
勝頭。抵多少。鳳舞龍飛。出建章。寶蓋耀旌幢。贏得
蟠桃千歲芳。到來日。名園會裏。牡丹亭內。仙樂舞霓
裳。**賺屋**。這其間。春意滿樓臺。春色暉屏障。名苑內。風
和日朗。赴會去。須重理艷粧。整頓了彩霞衣。玉珮珰。

璫袂飄颻。樂聽宮商。指點銀瓶索酒。嚙。到來日華筵。
慶賞。衆仙臨降。牡丹亭上會群芳。

點絳脣

踏雪尋梅

酒興綢繆。詩懷僞憊。憑詩酒。樂以忘憂。被詩酒相迤。
逗。酒淹衫袖。孟中綠蟻是釣詩鈎。詩吟在口。

酒醉扶頭。酒力禁持。詩放曠。詩魔纏繳。酒風流。詩成
灞上。酒注梁州。詩題謝館。酒列秦樓。詩盈玉軸。酒滿
金甌。詩乘清興。酒解閑愁。詩中洵寓。酒後謳謳。詩禪
喜悅。酒聖玄幽。飲酒呵滿斟。沆瀣數十巡。題詩呵朗
吟。風月三十首。吟詩呵消磨歲月。飲酒呵笑傲王侯。

仙韻 子我這酒債尋常行處有。將詩句酬。子被這
詩情酒興兩相接。每日家酒筵中淘渲的腔腔嗽。又
被那詩壇內賡和的懽懽瘦。吟詩呵揮南山玉兔毫。
飲酒呵傾北海金鳳甌。我子待常教詩酒為昆友。不
離了詩社酒家樓。**天下樂** 但得箇痛飲豪吟將志氣
酬。你便是糟丘。問甚麼三四斗。飲酒呵量寬如大海。
吟詩呵才思優。遮莫在困朦騰駟背上吟。遮莫在酒
糝糊村務裏走。遙望着杏花深處有。**醉中天** 我子道
離洛浦神姬現。原來是花胡洞女嬌羞。看了他玉骨
冰肌體態柔。美臉兒天生就。他是箇會耍笑的聰明

鬼頭一撮兒玲瓏剔透。便有箇巧丹青描不出風流。

一半兒 鞦韆烏雲斜插翠搔頭。綰珠結低垂錦臂鞦。轉

星眸暗將春意留。玉溫柔。一半兒含情一半兒羞。**金**

釵兒 你兩箇意相接。效綢繆。他正是錦橙未拆香先

透。趁着這一鉤新月漸漸下秦樓。這其間繡幃香旖

旎。錦被玉溫柔。抵多少。咲時花近眼。舞罷錦纏頭。**醉**

秋歸 他道心友相別後。一日似三秋。勸你箇學士開

懷且暫留。你只管淚滴濕青衫袖。你將這憶秦娥新

詞自謳。越感的情傷恁。**金釵兒** 你道是轉加愁。我道

你醉時休。且莫管明朝酒醒愁依舊。將你這詩鋒酒

陣破了你那帶色魔頭。你不戀酒中曾得道。花裏笑
藏。闌你不肯花愁。因酒解。酒病見花羞。**賺屋**詩成玉
板箋。酒濕香羅袖。直喫的酩酊踈狂罷手。也不記誰
扶下翠樓。眼朦騰口角涎稠。這其間景攸攸禁鼓三
籌。尚兀自不放金樽。斲斷送秋。但得這清香共酬。警
聯成就。一生詩酒占風流。

點絳脣

曲名

春滿皇州。武陵春晝濃花酒。花柳爭柔。十二月春為
首。**混江龍**賞花時候。喜春來景物最風流。粉蝶舞翅。
醉翁歌謳。紅芍藥檻邊風乍暖。青杏子枝上雨初收。

小桃紅。日色胭脂透。雖不是神遊閬苑。多管是菩薩
梁州。**油葫蘆**。携綵袖雙同上小樓。捲珠簾掛玉鉤。趁
着這后庭花柳。吐且消愁。金盞兒滿斟着梅花酒。直
喫的醉扶歸快活三。更後攬箏琶舞六么。紅娘子勸
一甌。雙鴈兒便挽起藍褐袖。恰便似丹鳳舞小梁州。
天下樂。直喫的沉醉東風興未休。我為這嬌羞雙勸
酒。撥不盡甚時重配偶。碧玉簫曲未終。勝葫蘆酒再
酬。端的是逍遙樂得自由。**那吒令**。醉中天謹邀相識
故友。醉春風滿斟迎仙客。勸酒醉扶歸。酒後有紅裙
翠袖。村姑兒擷手歌。耍孩兒揎雙袖。早鄉詞唱的精

熟鵲踏枝集賢賓開樊樓迎仙客喜觥籌列的是九

轉貨郎唱的是八聲甘州滿庭芳花紅綠柳鮑老兒

拖着神仗兒信步閑遊寄王京單鴈兒歸塞北凭闌

人上小樓念奴嬌兩葉眉兒皺凌波仙紅繡鞋兒瘦

醉花陰步步嬌天生就浪淘沙冲得海天清刮地風

吹倒亭前柳笑撚着桃紅菊閑拖着滾繡球鳳鸞

吟飛上青山口閑鷓鴣來往攬拔走雙鴛鴦戲水波

紋鰓賀聖朝金殿喜重重樂安神享祭笙歌奏尾聲

倘秀才占鰲頭折桂令攀蟾手朝天子風雲志酬不

枉了伴讀書剔銀燈窓下守相公愛脫却儒流得志

也。賽紅秋。問甚麼水調歌頭。教普天樂。軍民得自由。
殿前歡。賜宮花御酒。脫布衫。換金章紫綬。今日箇鎮
江回勝似五陵遊。

點絳脣

漏盡銅龍。香消金鳳。花稍弄。斜月簾櫳。喚醒相思夢。

浣江龍

繡幃春重。趁東風。培養出牡丹叢。流蘇斗帳。

龜背屏風。七寶粧奩。明彩鈿。一簾香霧裊薰蒸。翠雲
半鞦。朱鳳斜鬆。眉兒掃。楊柳雙彎。淺碧口兒點櫻桃。
一顆嬌紅。眼如珠光。搖秋水。臉如蓮花笑。春風鸞釵
插花枝。蹀躞鳳翹。懸珠翠玲瓏。胭脂蠟紅膩。錦犀盒。

蓄薇露滴注玻璃。幾端詳了艷質。出落着春工。

田明

鵲鏡光幽百煉銅。端詳了玉容。似嫦娥出現廣寒

宮。襯桃腮巧注鉛華瑩。啓朱唇呵暖蘭膏凍。傳粉呵

則太白。施朱呵則太紅。髻蟬低嬌怯香雲重。端的是

占斷綺羅叢。**天下樂**半點兒花鈿笑靨中。嬌紅酒暈

濃。天生下沒褒彈可意種。翰林才詠不成丹青筆畫

不同。可知道漢宮畫愛寵。**那兒令**露春纖玉葱。掃眉

尖翠峯。清香含玉容。整花枝翠叢。揷金釵玉蟲。褪羅

衣翠絨。縷金粧七寶環。玉簪挑雙珠鳳。比西施宜淡

宜濃。**鵲踏枝**你是看翠玲瓏。玉玳瑁。一步一金蓮。一

笑一春風。梳洗罷。風流有萬種。帶人嬌。玉軟香溫。

生草

傾城貌。絕代容。弄春情。漏泄的。秋波送。秋波送。

搬開的。春山縱。春山縱。勾引的。芳心動。髻花腮粉可。

人憐。翠衾鴛枕。和誰共。情尤重。意轉濃。恰相逢。似。

晉劉晨誤入桃源洞。乍相逢。似楚巫娥。暫赴陽臺夢。

害相思。似瘦闌成愁。賦香奩詠。你這般。玉精神。花模。

樣。賽過玉天仙。我待要。錦纏頭。珠落索。蓋一座。花胡。

洞金盞兒

臉霞紅。眼波橫。見人羞。推整雙頭鳳。柳情。

花意媚。東風鈿窩兒裏。粘曉翠。腮斗兒上。暈春紅。包。

藏著。風月約。出落著。雨雲踪。**后庭花**。繡牀鋪綠。剪絨。

花房深紅守宮。豆蔻蕊稍頭嫩。絳紗香臂上封。恨勿
勿。尋此閑室。羨甘甘兩意通。喜孜孜一笑中。**六么序**
幾時得。鴛牋裡錦帳中。願心兒折桂乘龍。怎能勾魚
水相逢。琴瑟和同。五百年姻眷交通。順毛兒撲撒上
丹山鳳。點春羅一點香嬌嫩。鶯雛燕乳共歡寵。鶯花
爛熳。雲雨溟濛。**六么**雲鬢鬆。星眼朦朧。錦被重重。羅
襪弓弓。粉汗溶溶。那此兒風流受用。兀的不兩意濃
言行功客。四德三從。益光合配梁鴻。怎教他齊眉舉
案勞尊重。俏書生別有家風。金荷燒盡良宵水。憐香
惜玉。倚翠偎紅。**賺煞**花月巧梳粧。脂粉嬌調弄。沒亂

殺看花的眼睛。更那堪心有靈犀一點通。惱春光爛
熳嬌慵。莫不是蕊珠宮天上飛瓊。走向瑤臺月下逢。
比及他彩燈照夢。且看咱隔牆兒窺送。俊龐兒嬌怯
海棠風。

點絳脣

風吹羊角。彤雲密罩。梨花落。滿目瓊瑤埋沒了山川
道。**錦江龍**。乾坤光耀。恰便似玉龍退甲下青霄。似梨
花滾滾。如柳絮飄飄。迅指間變為銀世界。霎時兒翻
作玉溪橋。亂揚輕粉。碎剪鵝毛。紛紛片片。瑟瑟瀟瀟。
光閃閃粧點出玉樓臺。白茫茫鋪滿了銀街道。端的

似蚕蛾食葉。蝶翅風飄。**東坡先生**遠近峯巒四壁高。銀

海島。我子見接林宿鳥。急尋巢。採薪樵子迷歸道。更

和那寒江漁父。收綸釣。酒歌樓酒力微。點蘭湯茶味

薄。穿簾透幙吹烏帽。是他便壓損臘梅梢。**天下樂**墜

竹玲瓏。玉鳳毛。量度堪畫描。瀾漫松樹蟠龍巧。飛六

出巧剪裁。現三白民快樂。我子見半合兒天地老。**那**

北令藍關道擁了。韓退之懊惱。霸陵橋詩好。孟浩然

凍倒。尋梅的路杳。林和靖玩却。孫康讀誦書。陶穀烹

茶竈。呂蒙正風雪歸窠。**韻略**王子猷逞風騷。王鼎

臣採薪樵。有一箇閉戶袁安。守志清高。漢蘄武他也

曾凍倒。看王騰玉馬難熬。**留聲草**凜凜的寒風烈。颼
颼的冷氣飄。便有那身披鶴氅王恭到。脚靴破履東
節操。姜保坦臥焦被傲。一任教撲頭撲面玉蛾飛。則
不如高眠斗帳深為樂。**尾聲**片片亂隨風。點點穿簾
幙。囑付琴童記着。雪擁了柴門且莫掃。只下的尺餘
深。雪雨如膏。半空中糝瓊瑤。也不問下下高高鎖住
天關和地角。我這裏下庭堦望着。倚闌干凝眺。喜的
是豐年祥瑞賞三遭。

點絳脣

歸隱

散誕逍遙箇中玄妙。誰知道。惟有漁樵一笑興亡了。

混江龍從吾所好。水邊林下。把許由學。有道童隨引。

無俗客相邀。六甲風雷袖裏藏。一壺春酒杖頭挑。出
家兒不憂貧賤。本性待學憂道。繩樞瓮牖。陋巷簞瓢。

油葫蘆忙處人多閑處少。把光陰虛度了。我子待一

心辦道。不臨朝。你覷這巍巍海上蓬萊島。索強如家
家門外長安道。你子說有榮辱真紫欄。無拘束粗布
袍。比及他鐘聲未響。頭雞叫。你在那朝門外馬蕭蕭。

天下樂怎如俺萬里風頭鶴背高。直睡到紅日上花

梢。向兀自睡未覺。蒙頭衲被熟睡着。甚的喚做海水

潮。甚的喚做紅日曉。不識箇明星兒。直到老。**那叱令**

閑來時。迅脚步。崎嶇野橋。閑來時。共酌者。山猿樹鶴。
有時節。醉倒臥沙汀。岸草覺來時。酒未醒。或朗吟。開
懷抱。這幽景難描。**鵲踏枝**。閑時節。掀茯苓。與泥炮。採
靈芝。帶根燒。家遶着他。這溪口灘頭。轉過他。這山隱
山遙。醉歸來。把仙庄翫了。比人間景物。逍遙。**寄生草**
腰金帶。衣紫袍。想人生。一夢邯鄲道。你聰明不肯回
頭早。怎如俺尋真。誤入蓬萊島。俺這裏。白雲綠水。鎮
常閑。你那裏。春花秋月。何時了。**節節高**。俺這裏。洞天
深處。端的是。世人不到。我子待埋名。隱姓。無榮無辱。
無煩無惱。你看那。蝸角名。蠅頭利。多多少少。我子待

夜睡到明明睡到夜夜睡到曉呀。不覺的刮馬似光
陰過了。**元和令**我喫的是盤蔬飲一瓢。穿的那布道
服是一套。則待粗衣淡飯且淹消。任天公饒不饒。我
子待竹籬茅舍枕着山腰。掩柴扉靜悄悄。嘆人生空
擾擾。**上馬嬌**你子待家道興。名分高。兩件兒受煎熬。
幾時得舒心樂意寬懷抱。常子是焦。煩惱感兩眉稍。
勝葫蘆你子待日夜思量計萬條。怎如我無事樂陶
陶。俺這裏春夏秋冬草不凋。倚窗寄傲。杖筇凝眺。看
鸚鵡摘金桃。門外清風和氣飄。元來是春酒釀葡萄。
俺這裏花不知名分外嬌。我子待醉時一覺醒時歡。

笑直喫到紅日上花梢。**后庭花**俺山中過一宵。你人
間過了幾朝。恰纔桃李三春放。又早梧桐一葉凋。嘆
節令不相饒。虛度了青春年少。怎如俺步烟霞閑迅
脚。携琴書過野橋。採茶芽摘藥苗。砍青松連葉燒。嫩
蔓菁和土炮。種胡麻綠水澆。採靈芝澗水澆。我其實
年益高。**青哥兒**拜辭了

皇家宣詔。情願待草履麻條。出家兒貧不憂愁富不驕。
我如今趲着年少。志誠學道。修煉丹藥。我子待偎着
嶺靠着山。近着水傍着橋。蓋一座無憂無慮草園。歇
稽首回歸。索強似凌烟閣。

點絳脣

贈妓名斗兒

月令隨杓。箕星共號。斟量錯降。謫塵器。向人世來量
度。泥江龍。鴻門失却。一靈飛入錦窩巢。飽諳粗細。廣
見低高。木板兒有錢休再刮。鉄梁兒無米莫來敲。欺
慢了此商賈。抵盜了此倉廩。從離了街市入深宅。到
如今再不要糴糶。畢罷了臨光踢斛。無承望半合一
抄。油葫蘆。改變做宮殿。風微燕雀高。清標安在梁左
角。更着此綵粧青綠。縷金描。再不向迎新送舊臨街
道。常子是擎升座礎。居廊廟。躲離了斗級。每手內提。
却來這畫堂中方上閣。常子是清風明月簾櫳罩。抵

多團美在小兒曹。**天下樂**連你那朽板兒粘拈的有
下稍。聽了些笙簫。居畫閣。做高村穩拍拍實是好。要
看呵。仰着首觀。要摸呵。怎教的着。攢簇的清閑直到
老。**賺屋**既得向殿宇內做良材。子要你升運裏呈奇
巧。每日家陪伴着金蓮王藻。樂富貴繁華百載遙聽
了些遠梁聲塵軟香嬌。簇花着篆刻鏤雕。一任那粘
合處涎乾了肉鰓膠。再不怕沒梁兒棄却。常子是錦
罕恩籠套。受用着寶樓臺銅斗兒鳳凰巢。

點絳脣

金谷名園。粉牆深院。雕闌轉。香霧縈牽。粧點出嫦娥

面**混江龍**咱天隨人願。漫長空如水月娟娟。花間精
爽。月內神仙。雲雨佳期書舍裡。笙歌引至畫堂前。更
名改姓。昧地瞞天。潛踪躡足。退後趨前。啓櫻唇待把
芳詞薦。擡頭舉目。緘口無言。**油頭鱸**自古嫦娥愛少
年。休量淺。秀才每色膽大如天。假聰明古慙粧良善。
思前悔後成哀怨。明白地認做親。暗地裏結下冤。秋
深冷落了讀書院。孤枕上夢難圓。**天下樂**封陟先生
罵上元。子被他俄延。將好事牽。那廣寒宮路兒不甚
遠。到不如折天香桂一枝。到不如服靈丹藥一圓。好
着我飢寒守自然。**那叱令**似裴航待仙。立藍橋岸邊。

似劉晨遇仙。到天台洞前。似襄王夢仙。隔巫山那邊。
同諧了百世姻。永結下三生願。宿有仙緣。**鵲踏枝**少
牽連。莫風顛。嚼字謔文。舞袖垂肩。嬌滴滴香溫玉軟。
無半星酒債花錢。**寄生草**言詞順。德貌全。文章休列
龍樓宴。聰明休赴鸞班選。才能休把鰲頭占。塵靴蹺
到廣寒宮。布衣走上黃金殿。**鰲**綃被。駝獐羶。雲移
雉尾開宮扇。香添獸鼎消餘篆。釵橫鳳枕仙鬟顫。春
風占。絳牡丹園。秋光老盡芙蓉院。**鰲**今夜畧相別。
明日還相見。直等到梧桐月轉。着疼熱。將他厮顧戀。
廣寒宮不似桃源。怕霜天葉落東園。拾掇的鸞膠續

斷絃同衾共眠。稱心滿意。好姻緣。翻做惡姻緣。

點絳脣

高入洪濛。電驅雲控。乘鸞鳳。萬里長空。拂兩袖天風。
送龍

龍

蓬萊仙洞。五雲樓閣。日華東。晴霞百縷。瑞

靄千重。目覩山河塵世內。身居霄漢玉壺中。祥光冉冉。香霧濛濛。天河浩浩。化日融融。近瀛洲。觀瑤草。瑞
麟遊。入仙山。聽寶樹仙禽弄。遠謁向瑤臺玉館。貝闕
珠宮。

珠宮

見箇鳳渚山前採藥童。觀了他喜笑容。

他道是家家都有。只是你。不相逢。莫不是丹爐內。煅
煉的真鉛汞。莫不是藥籃裡。採取黃精用。收鍾乳在

千尺岩。斲茯苓向五粒松。莫不是入深山尋訪丹砂
洞。採參朮助神功。**天下樂**。欲覓靈苗頗識踪。原來仙
功自有種。真鉛真汞豈得鎔。雖然是陰陽換坎離。必
須待乾坤伏虎龍。那其間保長生千歲永。**公**謝仙長
相陪奉。指與俺這行踪。想天仙必得相逢。他道是同
叅青帝。共謁仙宮。**六么序**。俺這裡從容。向雲中穩駕
剗風。直上蒼穹。旌節穹窿。足躡長虹。霞彩飛空。日夜
如烘。遙聽的愚鼓彭彭。千萬道神光護擁。岩壑畔咲
語哄。你看那翠栢蒼松。綠竹青桐。白鹿相從。有黃鶴
對舞仙花共。更有那仙桃垂紅。俺這裡步蒼苔滿地。

白雲重。有丹爐火暖。寶劍光橫。**寄生草**。若說着中原

美。汴國風。臣忠子孝。聲名重。妻賢夫義。和昆仲。榮恩
善化揚於衆。年豐歲稔。萬民安。太平有象。興謠詠。**公**
若說着梁園景。河岳雄。有太行北峙。峰巒迥。嶠函西
路。山川控。淮源南下。清波澄。隋堤東接。曹徐遙。艮山
中立。玉城重。**后庭花**。俺隨着八仙遊。闌苑中。望朝陽
木德宮。拜絳闌。然青帝。謁金堦。叩玉扃。子俺這河嵩
多。感謝神仙陪奉。步雲衢上碧空。駕靈輿。御順風。向
蓬萊天外逢。荷東君承眷寵。**柳葉兒**。撚指到青陽仙
洞。玩樓臺殿宇爭嶸。有金鋪翠縷飛丹鳳。雕梁棟。細

蟠龍捲珠簾十里香風餘音萬里訪仙緣似一枕遊
仙夢求賜得靈苗瑞種只願的中國禎祥千歲永保
長生福祿重重顯神通百事相從成就了河嵩造化
功托賴着羣仙護擁只願的東華知重
九天德澤降恩榮

點絳脣

日暖風輕雨收雲淨韶光盛曉露輕盈迤邐起尋芳
興**混江龍**花枝掩映綠楊深處轉流鶯蜂黃乍褪蝶
粉初凝看了我綠瘦紅慙嬌態天香國色俏魂靈
姚家黃甘草黃天然美麗魏家紫平頭紫寂喜鮮明

玉天仙海霞紅名魁內苑。醉春容。擅心鳳色。炫中庭。
寶樓臺。粉娥嬌十分。嬌態。賽羣紅。擅心白。萬斛香英。
燦朝霞。早春紅。偏宜曉日。紫金盤。銀接紫。獨占春晴。
素鸞嬌。錦圍絲。風前婀娜。玉碗白霓裳。素月下娉婷。
順聖紫。雲葉紅。百般嫵媚。滿園春。丹砂漬。一撮風情。
包金紫。錦袍紅。芳容兩好。冠羣芳。紫樓子。密辦千層。
淺紅嬌。紫雲芳。年年先綻。舞青睨。瑪瑙盞。寂後馳名。
五仙粧。玉樓臺。色如溫玉。鶴翎紅。鶴翎白。抖搜疎翎。
慶雲紅。九蕊紅。胭脂染就。戎葵紫。多葉紫。霞彩粧成。
臨玉砌。靠銀屏。芳翠館。小亭紅。感東皇。雨露四時均。

在名園賞玩多承幸。子俺妃名古號。王位尊稱。

明

賞惟有春光不世情。沒揣的寒暑更如今。園林穀雨

弄新晴。擁羅衾曉夢誰驚醒。因此上對粧奩雲鬢繞

梳整。錦鴛向暖水遊。紫燕將舊壘營。喚梅香斜把雕

闌凭。睡不足困騰騰。**天下樂**九十日韶華一半經。歲

序流行。不暫停。惜芳容開殘了落絳英。我為甚向名

園會衆仙。列仙筵在小亭。我子怕辜負了艷陽三月

景。**那叱令**花枝揷古瓶。曲闌前露澄。竹稍侵翠屏。繡

簾篩日影。香烟裊鳳鼎。綠窗外鳥鳴。賞心正及時。樂

事相兼並。正值着養花天。雲淡風輕。**鵲踏枝**護花鈴。

響琤玦。芳樹上驚起啼鵲。小池中。聒醒鳩鵲。撲刺刺
飛過暖汀。恰便似畫圖兒費畫丹青。**寄生草**春發的
春光盛。秋榮的秋氣清。一番節令榮枯應。四時代謝
年華定。陰陽消長隨天性。只願園林歲歲雨澤饒。亭
臺日日歡遊勝。**六么序**寒共暖依時令。榮與悴各生
成。也不索誇俊爭能。休言雨露滋榮。霜雪侵陵。今古
馳名。語話相評。想春蘭秋菊隨時應。且莫將座位相
爭。都一般稟受蒼天命。清香馥馥。素色盈盈。**公**你休
矜。莫相輕。你道是艷色鮮明。態娉婷。性格胡伶。各
賽嬌形。金蕊香馨。玉潔冰清。但到得一景過開殘落

英。那其間悄悄冥冥。那裏也燕燕鶯鶯。柳聖花星。若
東皇駕轉芳菲。不覺的滿地飄零。被那金烏玉兔
相催併。行見那風和日暖。沒揣地雪壓霜凝。**怨**聚
會海棠亭。玩賞繁華盛。風日美三春麗景。萬紫千紅
百媚生。鬧園林蝶板鶯笙。我將這玉闌凭。聽樓臺象
管鸞箏。到處歡娛喜笑聲。儘日家遊人不。停醉倒在
花陰柳徑。任揭天般簫鼓樂昇平。

點絳脣

生在這峻嶺高崖。枉被那樵夫扳採。又無箇高人愛。
花落花開。憔悴了胭脂色。**混江龍**看了我嬌羞狀態。

這的是海棠魂托作俏形骸。那裏也綠窗睡起宿酒
醒來。省了這高祖祠前千樹發。抵多少沉香亭北數
板開。見如今霜欺雪壓。霧鎖雲埋。野禽作伴。荒草同
儕。那裏有鳳樓前遮護玉闌干。玳筵中賞玩金釵客。
空生的千嬌百媚。到不如內苑花臺。**田頌**甚風兒
吹你到此來。我試猜。莫不是放牛羊作踐了舊根荑。
莫不是被春光迤逗的心情害。因此上為尋春將俺
山溪逼。乞求俺半面容。添與恁傾國色。我子將胭脂
膩粉粧他嬌態。子怕他骨格裏有塵埃。**天下樂**恰便
似木伴哥姨姨抹着頰腮。被我裁劃笑滿懷。恁只合

依本分畫葫蘆不要改。這的是天生材貌。美強施為。
越看恠。勸你箇四姐姐休分。**那吒令**。你看他十分
的不才。將我來前推後扶。你看他四箇人弄來。他將
我胡揪亂摔。他那裏諸般剗劃。諕的我無言落色。也
是我晦氣多。撞着這強妖恠。子是我命拙時乖。**寄生**
草將妻來離了山谷。拔出草萊。似這等提撕委實的
恩波大。我這裡嬌羞歛衽深深拜。芳容喜得遭通泰。
若得在瑤池金母面前裁。索強如荒村野婦頭上戴。
賺尾。從今後嬌艷不塵埋。美貌知無賽。更沒那醜婦
狂夫妬色。子向那內苑仙班隊裡排。嬌滴滴越顯紅

白樂心懷。也不愁雨打風摔。慶賞在瑤池。百事諧。到得箇悠哉樂哉。住在那長生境界。遙望着五雲深處。是蓬萊。

點絳脣

范張雞黍

太極初分。剖開混沌。陰陽蘊。生意紛紛。萬物無窮盡。
混江龍 自天地人三皇興運。至女媧氏一十八代定。

乾坤紀年數三百二十七萬。稱尊號一百八十餘君。因康氏壽域同躋千歲考。無懷氏豐年樂永四千春。伏羲氏造書契。始畫八卦。神農氏嘗百草。普濟蒸民。軒轅氏製舟車。衣冠濟濟。少昊氏降封禪。民物欣欣。

顓頊氏守淵靜無為而治。高辛氏布威德率土之濱。
陶唐氏欽明文思。命羲和曆象星辰。有虞氏溫恭允
塞。舉臯陶屏出兇臣。夏后氏功垂萬世。使后稷播種
耕耘。成湯作東征西怨。用伊尹帝德惟新。文王應非
熊夢兆。遇呂望際會風雲。武王怒吊民發罪。哀惻獨
法政施仁。周公禮百王兼備。孔子道千古獨尊。孟子
時周流憂世。歷齊梁道屈無伸。距楊墨法湯文。傳五
典說三墳。明天理正人倫。君臣道主於仁。父子道主
於親。夫婦道主於恩。道性善教本出曾參。見諸侯言
必稱堯舜。**中庸**道統相承十二君。三聖人。皇天有

意為斯文。教人從誠心正意修根本。以致齊家治國。
為標準。孔孟書齊魯論。不離忠恕傳心印。以此上天。
子重賢臣。**天下樂**。方信道文章可立身。今人被名利。
引翰林院老子錢上緊。歪吟得幾句詩。胡謫得一道。
文。一脉地立碑碣。諂佞臣。**那吃令**。國子監助教的尚。
書做主人。秘書監著作的叅政。是丈人翰林院應舉。
的左丞家舍人。知他看春秋怎的發。正閏如何論。制。
誥勅怎生般行文。**勸**。恨那箇老喬民。用這夥小。
糊塗。見念得幾句粧點皮膚。子曰詩云。本子要借路。
兒。苟圖一箇出身。如今都齊了行。不用別人。**寄生章**。

將鳳凰池攔了前路。麒麟閣頂殺後門。你便是漢相如獻賦難求進。賈長沙上書誰憐問。董仲舒對策無公論。恰便似司馬遷撞不開昭文館。內虎牢關。公孫弘打不破編修院裏長蛇陣。**公**口邊頭奶腥也不曾落頂門上。胎髮依舊存。生下來便落在爺羹娘飯長生運。正行着子承父業財帛運。又交着夫榮妻貴臨官運。儘教他大拼了十年家富小兒嬌。少不的一朝馬死黃金盡。**六么序**子母每輪簪換當朝貴。倒班兒居要津。欺瞞殺萬乘之君。宮裏便如海如深。如日如雲。其力如輪。其志如神。怎識他苦害軍民的聚歛之

臣如今棟梁材平地剛三寸。怎撐撐萬里乾坤。子是
裝肥羊。注海人皮圈。一箇箇智無四兩。肉重千斤。**六**
這等魔軍。又沒甚功勳。却教他盡戟朱門。列鼎重裯。
赤金白銀。翠袖紅裙。羊馬成羣。花酒盈樽。有一日天
打筭衣絕祿。盡吊頸抽筋。小生白身。樂道安貧。視此
輩何足齒云。滿背襟拍塞孤德憤。將世間太華平吞。
大丈夫若是言無信。枉頂天履地。束髮冠巾。**金盞兒**
二載隔音塵。千里共消魂。我子待趁天風飛入山陽
郡。想兄弟情分最關親。升堂重拜母。樽酒細論文。當
時不因雞黍約。今朝誰識志誠人。**醉扶歸** 母親道一

句何其準。不曾錯半箇時辰。小生雖真。君更真。數日
前早備下美饌。筵下佳醞。量這些薄人事。別無甚孝
順。何須母親勞困。有多少遠路風塵。**金盞兒**黃菊噴
清芬。白酒濁正深。相逢萬事都休問。想離多會。少百
年身。烹雞方味美。炊黍却嘗新。我做了急喉嚨。陳仲
子。你便是大肚量孟常君。**賺尾**禮義國之綱。孝弟人
之本。修天爵其道自尊。遶着溪上青山。廊外村多。養
着不粘錢的狗。尋雞豚。奉尊親。笑引兒孫。兀的不是
羲皇上人。休道是逃皇宣扣門。折末便聘玄纁的訪
問。你與我掩柴扉。高枕臥麒麟。

點絳脣

別却蓬壺。坦然獨步。塵寰去。回首仙居。縹緲雲深處。

混江龍

仙凡有路。則憑着足履雙鳬。翱翔天地。放浪

江湖。東訪丹丘。西華岳。朝遊北海。暮蒼梧。暫旋真境。

來混塵俗。觀百年泛世。一夢華胥。信壺裏乾坤廣大。

嘆人間甲子。須臾斬。眼間白石已爛。轉頭來。蒼海將

枯。箭一般。走乏玉兔。拔一般。飛困金烏。看了這短光

陰。子不如。且入蓬萊去。詩懷浩蕩。酒眼模糊。**洞仙謠**

高聳雕闌十二曲。接太虛。上得這百尺梯。來便是步

雲衢。一會待皇州。子索低頭訴。又恐怕近天宮。不敢

高聲語。這樓襟三江帶五湖。更對着均山千仞青如
許。咱如今不醉待何如。**天下樂**。醉倒黃公舊酒壚。我
笑三閭楚大夫。子今日誰有誰如古。怕不待騎鯨飛
上天。荷插埋金。子問你至今無**金盞兒**。公子換金魚。
豪客醉鮮瓊琚。俺子道人有甚麼隨身物。止不過金
縷琴譜。藥葫蘆。皆因我囊裡缺青蚨。神仙留劍飲。秀
士典衣沽。**山**。這劍六合為爐。二氣鑄成模。這劍呼的
風喚的雨。吼的雲霧降的龍。伏的虎。威的魅魍。霜鋒
如巨闕。冰刃勝昆吾。光搖牛斗。氣射天樞。**野太平**。我
比你無此懼。你問我有何術。指劍呵這劍袖裡青蛇。

膽氣粗。怕甚麼妖精物。我試拔向樽前起舞。手到處
百靈威助。怎容他山鬼。擲榆爛庭芳。清閑快娛。忘懷
碁酒。得意琴書。把名韁利索都發付。有甚躊躇。無心
戀朱門畫屋。已跳出地塹天衢。江頭覷。沙鷗遍渚。一
品待何如。清江引先生歸去今去矣。菊花松篁趣。休
貪蝸角名。莫戀蠅頭利。尋一榻穩便處。閑坐的又綠
窗曉來鶯亂啼。喚醒先生睡。愁來總不愁。醉醒還重
醉。尋一榻穩便處。閑坐的

點絳脣

王紱

子為我家業凋殘。幾曾經慣。人輕慢。寶劍空彈。貧困

非吾患。混江龍。我與人秋毫無犯。只爲我氣昂昂。誤
的鬢斑斑。父居在簞歌陋巷。受用此土榻柴關。窮不
窮。甌有蛛絲塵經亂。窘不窘。爐無烟火酒瓶乾。天涯
零落。海角孤單。中年已過。百無一全。捱不過。傷官破
祖。窮愁限。刻地在人間簷之下。眉睫之間。油頭盧。你
休笑書生膽氣寒。省的。我如等閑。子我這蔽裘常怯
曉霜寒。他把我做兒曹看。無端一郡蒼生眼。我量寬
如東大海。志高似西華山。子因我五行差。幹運難迭
辦。不能隨。

聖主展江山。天下樂。因此上時復挑燈把劍彈。有那等

酸寒他每都怎掛眼。子待要論黃數黑在筆硯間。你
道教蒙童數子頑。我子待輔佐皇朝百姓安。我怎
肯教人一例看。**那叱令**我怎肯空隱在嚴子陵釣灘。
我子待走上韓元帥將壇。我雖貧樂有餘心無憚。咱
人脫不的二字飢寒。**勸踏枝**赤緊的世途難。主人慳。
那裏也握髮周公。下榻陳蕃。凍餓殺閑居的范丹。憂
愁殺高臥的袁安。**寶蓮草**伊尹埋沒在耕鋤內。傳說
勛勞在板築間。甯戚謾嘆白石爛。太公望釣磻溪岸。
靈輒誰濟桑間飯。哀哉堪恨小人儒。嗚呼誰識男兒
漢。**么**你。一箇田文傲。不將劍客安待賢情。急早心

先憚學難鳴。落得人輕慢。食無魚。贏得自悲嘆。你雖
然紫袍金帶祿千鐘。養不的錦衣繡襖軍十萬。**六公**
四我沒投奔望你為東道。倚靠你如泰山。似金烏玉
兔冷投寒。鏡裡空看劍上虛彈。前程事非易。非難。想
蟄龍奮起非為晚。待春來震破天關。有一日得志扶
炎漢。離了繩樞瓮牖。平步上玉砌雕鞍。**公**得觀

天顏。列在朝班。書壓南蠻。威振西番。屏奸諂。外鎮邊關。
整頓江山。平治塵寰。恁時節紫綬烏靴。和象簡不教
人下眼。看萍梗身寒。塵土衣單。有一日天數輪環。不
平氣。空長嘆。塞平天地間。吁漫漫。長夜何時旦。你看

我斬蛟龍吐海射猛虎南山金盞兒屈不知已豈愁

煩伸於知已有何難他無心濟魚龍江漢何愁晚室

教我趨前退後兩三番困於陳蔡地餓死首陽山我

想那掛冠歸去好又手告人難醉扶歸論文呵筆掃

烟雲散論武呵劍射斗牛寒掃蕩妖氛不足難則磨

得掌帥府居文翰不消我羽扇綸巾坐談敢破虜軍

十萬尾聲我子待翰林謁荊州展羽翼騰霄漢我得

了白金駿馬雕鞍我若是到荆襄子願的人馬平安

取崢嶸現你眼我畧別你箇放魚的子產你試看屠

龍的王燦錦衣含笑入長安

油葫蘆

祝賀

天下黎民仰

聖德百姓每皆感激讚吾

皇聖壽與天齊。文官每忠孝扶家國。武官每威鎮邊庭。
息。君賢明萬代傳。臣忠良千載知。喜。君臣慶會

如魚水。因此上日月顯光輝。**天下樂**保護山河壯

帝基。公卿行正直。河清海晏民盡喜。選賢能重職遷放。
桃園戰馬嘶。託吾

皇堯舜德。**那叱令**。市民每孝義。因官員正直。在農每鼓
腹為時。豐稔歲。奸邪每遠退。見賢人在職。黎民無驚

擾心。敢州府有成康治。託賴着。

洪福巍。

鵲踏枝

武和文兩班齊。分左右列。

丹墀。鞠躬稽首。頓首誠惶。

萬歲聲齊。自

聖上掌山河社稷。千邦進萬國來儀。

賀

生草

五常正三綱。定民仰望。

天意隨。八方齊賀昇平世。軍民皆讚和千歲。乾坤開泰。

清平日。玳筵開。

金闕宴公卿。太平年。龍虎風雲會。

賞花時。

福山叛。

擾。羶車慘霧生。黯。虛室殺氣增。天地也離情。西。

風鼓角。總是斷腸聲。**公**敗國兒郎。捨性命。捲地干戈。
起戰爭。豈肯暫消停。一時半霎。恨不的走兩三程。**尾**
甲籠忔。袍寬剝。三停豐肥減了二停。瘦損郎當。淹肚
子。全不似舊日膨脹。病縈。為首先行。怎見的三郎
瘦不勝。絲韁慢稱。彫鞍緊凭。蕩征塵西去。馬蹄輕

賞花時

明皇夢楊妃

天寶年間事。一室人說。環兒似玉容。為愛荔枝紅。纖
腰如柳。宜捧翠盤中。**公**一曲霓裳舞未終。怨殺漁陽
戛甲雄。驚出上離宮。馬嵬坡下塵土慢隨風。**尾**咲明
皇心裏痛。快。歸來恨冗。寂寞雲屏秋夜水。恍然

間依舊相逢意。匆。霧鬢鬢鬆。兩葉眉兒淡。遠峰貪
懽未厭驚。回清夢。玉堦前。跡兩響。梧桐。

賞花時

楊西菴

秋水鄰。古岸蒼。蕭索跡。籬隈短岡。山色日微茫。黃
花綻也。粧點馬蹄香。**勝胡蘆**。見一簇人家。入屏障。竹
籬折。補苔牆。破設。柴門上。張着破網。幾間茅屋。一
竿風旆。搖拽掛長江。**賺尾**。晚風林蕭。響。一弄兒
淒涼旅況。見壁指一似桑榆。侵着道傍。草橋崩。搖催
舵。唱道。向紅蓼灘頭。見一箇黑出律的漁翁。髮似霜。
靠着那舵腰。拗揷。嚶。嚶。垂膊項。一釣香餌。釣斜陽。

賞花時

水到湍頭燕尾分。舫抵河梁。龍背穩。流水遶孤村。殘
霞隱。天氣褪殘雲。客況淒。又一春。年紀區區
已四旬。日在紅塵。愁眉鎖。白髮又添新。尾腹中
愁。心間闊。九曲柔腸悶損。白日傷神。猶自輕。到晚來
更關情。唱道則聽的玉漏聲頻。搭伏定。鮫綃枕頭上
盹。客由夜永。有誰飲問。二三更。捱不得被兒溫。

賞花時

花點蒼。綉不勻。鶯喚垂楊語未真。簾外絮紛紛。日
長人困。風暖獸烟噴。一自檀郎共錦衾。再不曾暗

擲金錢卜遠人。香臉咲生春。舊時衣袂寬，放出二三
分。**賺**。調養就舊精神。粧點出嬌風韻。將息到損苔
垣玉笋。拂綽了香冷粧奩寶鏡塵。舒展開繫東風兩
葉眉顰。曉粧新高綰起烏雲。再不管暖日珠簾鵲噪
頻。從今後雅鳴不聽。燈花誰信。一任他子規聲啼破
海棠魂。

賞花時

情淚流香淡臉桃。高髻鬆雲。顰鳳翅。驚被冷絞綃。收
拾煩惱。准備下。捱今宵。**賺**。篆烟消。銀缸照。和這瘦
影兒。無言對着。一自陽臺雲路杳。玉簪折。難覓鸞膠。

最難熬更漏迢。線帖兒翻騰耳慢搔。愁的是斷腸
人病倒。盼殺那負心人不到。將一封寄來書乘恨一
時燒。

賞花時

香徑泥融燕語喧。彩檻風微蝶翅翩。飛絮舞香綿。嬌
鶯時轉。鶯起絲。白眠。惜花愁傷春怨。繁繁殺多
情少年。何處狂遊。裊玉鞭。慢教人暗卜金錢。空寫遍
翠詩箋。魚雁難傳。似這般。白日黃昏怎過遣。青鸞信
遠。紫簫聲斷。西樓中。閑殺月明天。

賞花時

香麝龍涎寶篆殘。簾捲鬢春。畫閣心事苦相關。春
光欲晚。無一字寄平安。**賺尾**意無聊。愁無限。花落也
驚慵燕懶。兩地相思會面難。上危樓。凭暖彫闌。暢心
煩。盼殺人也。秋水春山。幾時着寶髻。鬢鬆雲亂。綰。怕
的是。罇空酒闌。月斜人散。背銀燈。偷把淚珠彈。

賞花時

臥枕着床。染病疾。夢斷魂勞。怕飲食。不索請名醫。沉
吟了半日。這症候。敢躑蹰。**么**俺恁的寒來。恰禁起。忽
的渾身如火。逼厭的皺了双眉。豁的一會家。精細烘
的半晌又昏迷。**賺尾**減精神。添憔悴。把我這瘦損。扞

兒整理對着鏡裡容顏不認的。呆荅狹展轉猜疑。瘦損腰圍。寬盡羅衣。一日有兩三次。頻將紐扣兒移。覷了這淹煎病軀。比東陽無異。不似你害相思出落的。外人知

賞花時

麗日和風三月天。雅備西園賞禁烟。院宇立鞦韆。桃花噴火。楊柳綠垂烟。
門兒語笑喧。來往星眸厮顧戀。彼此正當年。花陰柳影。月底星前。
裏拈心兒裏怨。急切裏難尋空便。天也似閑愁無處展。蘸霜毫寫雲箋。唱道各辦心堅。休教千里關山勞。

夢傳。不是双生自專。小卿緊勸。只休教花殘鶯老。春園

賞花時

捫乳

只為多情忒俊雅。月下星前。迤逗咱。掩映着牡丹花。潜。等。不見芳冤家。公。今夜相逢打罵咱。忽見人來。敢是他。只恐有爭差。教。認了。正是那嬌娃。瞞。悄。吁。低。話。厮抽掙。拈。掐。終是箇女孩兒家。不慣耍。嫩。尾兒不甚撐。達。透紗窗。双乳似白芽。持入。臂前緊。拏。无油。膩。滑。顫。巍。拏。罷。至今猶自手兒麻。

賞花時

春夜沉沉庭院幽。偷訪吹簫鸞鳳友。良月過南樓。昨
宵許俺今夜結綢繆。兩處相思一樣愁。及至相逢
却害羞。只是性兒柔。倦般哀告。面腆不搵頭。賺你
溫柔。咱清秀。本是一對兒風流。配偶咫尺相逢。說上
手。緊推辭不肯承頭。又不是久遲留。只怕老母親追
求。料想伊家不自由。空耽着悶愁。虛陪了伺候。誰承
望剛做了箇嘴兒休。

八聲甘州

鮮于伯機

江天暮雪。最可愛。青帘搖曳。長江生涯閑散。占斷水

國魚邦。烟渚草屋。梅近砌。水遶柴扉。山對面。時復竹
籬傍。犬吠汪。向滿目。夕陽影裡。見遠浦。歸舟帆。
力風降。山城欲閉。時聽戍鼓逢。羣鴉噪晚。千萬點。
寒雁書空。三四行。畫向小屏間。夜。停缸。大安樂。從
人笑我。愚痴癡。瀟湘景裡。且粧愁。不談劉項。與孫龐。
近小窗。誰羨碧油幢。元和令。粳米炊長腰。鱖魚羹縮
項。悶携村酒。飲空缸。是非一任講。恁情拍手。唱山歌。
高低不論腔。浪滂。水淙。小舟斜鎖。壞橋樁。綸
竿叢筍。落梅風裡。釣寒江。

八聲甘州

王修甫

春閨夢好。奈覺來心情。向人難學。錦屏斜靠。尚離魂
默。難招。遊絲萬丈。天外飛。落絮千團。風裡飄。似這
般愁著甚相。焚六么遍自春來到。春衰老。簾垂白晝。
門掩青霄。閑庭香。空堂悄。此情除是天知道。寂
寥。唾絨縷兩三條。后庭花無心綉作。空閑却金剪
刀。眉變吳山翠。恨橫秋水高。想多嬌。正心焦。梅香低
報。道晚粧樓外月兒高。

八聲甘州

王嘉用

鶯花伴侶。效卓氏聽琴。司馬題橋。情深意遠。爭奈分
淺。緣薄。香箋寄恨。紅錦囊聲斷。傷情碧玉簫。都為可

憎才夢斷魂勞六么遍更身兒單尾兒俏傾城傾國
難画難描窄弓撇刀光溜六老稱霞腮一點朱
唇小妖嬈更那堪楊柳小蠻腰穿四月憶双鳳友
鸞交料應咱無分消真彼此俱相樂花星兒照彩
雲兒飄不限防壞美衆生攪元和令謾贏得自己羞
空惹得傍人笑多情却是不多情好模樣多做作相
逢爭似不相逢有上稍沒下稍驢兒那回期今番約
花木兒看好舊路高築起界牆盡今生永不踏
着唱道言許心違說的擔尋思暢好脫卵待裝些氣
高難禁脚拗不由人又走了兩三遭

八聲甘州

天涯羈旅。記斷腸南陌。回首石樓。許多時冷落。酒
令詩籌。腰圍似沈。不耐春。鬢髮如潘。那更秋。無語細
沉吟。心緒悠悠。**恨如龍**。十年往事。也曾一夢到揚州。
黃金買笑。紅錦纏頭。跨鳳吹簫。三島客。抱琴携劍。五
湖遊。風流羅帶。畫燭彩扇。銀鈎。**六么遍**。為他迤逗。咱
揣就。更兩情。廝同病。相憂。前時唧喩。今番抹。威。急料
子心腸。天生透。追求。沒誠實。誰道不自由。**元和中**。外
頭。卷木瓜。裡頭。鉄豌豆。橫琴彈。徹鳳凰聲。兩厭難上
手。當初說盡海誓山盟。一星。不應口。**賺之**。洛陽卷。

宣城酒那裏與狂朋悵友水遠山長憔悴也滿青衫
兩淚交流。唱道事到如今收了等蘭釵了斗。那些兒
自羞二三年。還受誰承望空溜了會眼兒休。

八聲甘州

彭壽之

平生放蕩。俏綽聲名。喧滿平康。少年場上。只舌劍唇
鎗。機謀主張。風月景局。經營旗旌鄉。回首數年間。多
少踈狂。**混江龍**知音幸遇。不由人重上欠排場。卷明
月夜。酒肆茶坊。相見十分相敬重。厮看承。無半點厮
隄防。風流事。贊之双美。悔則俱傷。**元和令**合着兩會
家。相逢一合相。憐新棄舊短因緣。強中更有強。偷方

覓便。倩家風當行識當行。**賺尾**一片志誠心。萬種風流相。非是我着迷過獎。燕子鶯兒知幾許。據風流不類尋常。唱道好處難忘。卷有幽情。月有香。想着尊前伎倆。枕邊模樣。不思量。除是鉄心腸。

八聲甘州

盃中酒冷。鼎內香消。臺上燈昏。夜闌人靜。玉齋中半掩重門。愁靠芙蓉綉枕。閑悶擁鮫綃錦被。空思想意中人。年少芳卿。**醉中天**一點朱唇嫩。八字柳眉顰。寶髻高梳。楚岫雲。蓮臉施朱粉。痕彈處全無半分。可人意。風韻見他時。忽的消魂。**賺尾**為他嬌。因他俊。迤逗。

俺行痴坐耽。便約後冤家行。頻囑付偷工夫短命行。
溫存費了些精神。一夜歡娛正了本。他於咱親。咱於
他順。不由人終日脚兒勤。

八聲甘州

芳菲過眼。向玉砌雕闌。翠落紅翻。都來一段新愁舊
恨相煩。簾垂永日。人乍別。門掩東風。巷又殘。無語問
春歸。天上人間。**六么遍**恨歸期晚。尋芳懶。倚遍闌干。
盼殺雕鞍。佳音越慳。啼痕不乾。拚捱厭。相思恨愁
煩。悶來獨把綉床攀。**元和令**慢將龜卦卜。空把雁書
盼。料他雲雨阻關山。天涯何日還。重衾猶怯五更寒。

悶愁心上儂。**石庭花紅**瘦來金縷寬。空將寶鏡看。與
綰雙鴛亂。眉顰八字彎。最心煩。閑庭院子。規啼數番。
問長安。隔關山。別郎容易見郎難。清明過也。鷓鴣聲
裡。畫樓閑。

翠裙腰

鶯穿細柳開金翅。遷上最高枝。海棠零亂。飄零墜。墮
胭脂。共誰同唱送春詞。**金縷**減容姿。瘦腰肢。綉床
塵滿。慵針指。眉懶畫。粉羞施。憔悴死。無盡閑愁。將甚
比。恰如梅子雨絲絲。**銀回愁**有客持書至。還喜却嗟
咨。未委歸期約幾時。先折破鴛鴦字。元來則是費美。

他風流浪子。誇翰墨。顯文辭。枉用了身心。空費了紙
尾聲。總虛脾。無實事。喬問候的言詞。怎使。復別了。卷
牋錦字。重作。忘自家。少欠你相思。唱道。再展放。重讀。
讀罷也。無言暗切齒。沉吟數次。罵你箇負心賊。忒字。
把一封寄來書。都扯做紙條兒。

翠裙腰

呂止菴

老來多病。逢秋驄。便覺嫩涼添。懶搖紈扇。閑紋簾捲。
珠簾晚。粧樓外。月纖纖。**金瓶兒**。更西風。驟微雲。欽黃
昏。即漸暑氣消殘。陰晴乍閃。冰魂尚潛。指甲痕芽生。
天慙。傷廉。又傳宮印眉尖。**元和令**。素娥公案嚴。牛女

緣分儉。蒼虬鈎玉控彫簷。翠屏人半掩。彩鸞取鏡入
粧奩。霓裳誰再拈。**賺尾**。昂藏醉臉。控香襟袖拈。卷下
心無慊。等潛興未厭。約銀蟾瑤臺獨占。立金梯長嘯
一掀髯。

勝葫蘆

踐揚妃

是去君王不奈何。盡分得淚痕多。羽衣曲翻成薤露
歌。玉溝空闊。玉人偃臥。沒撚指早填合。**公**戰馬也如
將怨氣豁。比及排甲冑。列干戈。料想嗔人緊勒他。騁
精神。惡打盤桓突磨。閉嘶喊。要奔波。**賺尾**。撞出虎
狼叢。堪上凌烟閣。天意與人情暗合。幾曾使鞭梢兒

觸抹着。蕩香魂。健忘頻那。唱道相卿不離了。揚妃那
禍。蕩板塵。閃脫將海棠根。過撇風也似飛上馬嵬坡。

六么令

華亭江上。烟淡草萋萋。浮光萬頃。長篙短棹。一蓑
衣。終日向舡頭上穩坐。來往故人稀。輪竿收罷。輕拋
香餌。問箇消息有誰知。**公**說破真如妙理。唯恐露玄
機。春夏秋冬。披星戴月。守寒溪。一點殘星照水。上下
接光輝。素波如練。東流不住。錦鮮不遇。又空回。**騰然**
謾傷嗟。空勞力。欲說誰明此理。千尺絲綸。直下垂。一
波動。萬波相隨。唱道曉幽微。且恁陶。度浮世。寒烟

冷水。小魚兒。離釣滿船。空載月明歸。

六么令

明皇遊月宮

冰輪光展。皎潔正團圓。人間天上。不知今夕是何年。
當夜宮中宴賞。因問廣寒仙。天師奏却。明皇聽罷。便
將密旨暗中傳。把拄杖隨時擲起。奪盡鬼神權。俄
尔睇窺虹橋千丈。碧空懸月色如銀。燦爛隱。遠相
連。急令天子緊瞑双眼。恍然相近。斗牛邊。闌。寒蟾
明。飛龍現。翠擁紅遮。漸遠。玉帝私遊離上方。似紫微
星半夜朝元。唱道瑞氛飄然。隨至仙宮。葉法善。清風
半軒。秋雲一片。趁寒光飛上月明天。